



7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

C 40-4514

了翁上座請大藏及百家書置武州紫雲山
我微笑塔院宣府中大為學者不敢許出院內
當山二世鐵牛機譯



B 64853

佛說一切法功德莊嚴王經

唐三藏法師義淨譯

如是我聞一時薄伽梵在王舍城羯蘭鐸迦池竹林園中與大苾芻衆五百人俱菩薩摩訶薩千二百人皆得陀羅尼辯才無滯獲無染智遊無礙境善惡權方便攝引衆生觀察世間心行平等饒益慈悲意樂純淨於諸佛所甚深妙法悉能詰問其名曰慈氏菩薩摩訶薩常勤勇菩薩摩訶薩平等住菩薩摩訶薩大慧菩薩摩訶薩無邊辯菩薩摩訶薩勇慧菩薩摩訶薩觀自在菩薩摩訶薩除疑菩薩摩訶薩如是等諸

大菩薩摩訶薩而爲上首并諸釋梵護世四天王龍
神八部及諸外道數有六千各將眷屬悉皆雲集此
等大衆咸至佛所禮佛足已右繞三匝雨妙天華奏
天音樂燒衆名香而爲供養爾時大衆咸作是語善
哉善哉如來教法具大威德有歸信者能斷煩惱作
是語已各坐一面爾時世尊入能斷惑離垢三摩地
入此定時大地即便六種震動雨天細末微妙栴檀
及妙天華在處彌布放大光明周徧世界若諸有情
墮惡趣者蒙光得脫亦至一切天龍藥叉八部之衆
所居宮殿無不明照聞天音樂及天妙香彼諸天神

見不思議希有事已皆生是念誰作如是殊勝神力
令地大動雨天香華放大光明照耀宮室作是念已
互相告曰此是如來現大威德非餘天等能有斯瑞
我等今者應往竹園詣世尊所禮拜供養聽聞妙法
彼各持天溫鉢羅華拘物頭華分陀利華蘇健提華
曼陀羅華摩訶曼陀羅華至世尊所頂禮雙足而爲
供養兩衆天華彌滿大地積至于膝瞻仰尊顏合掌
恭敬復有他方無量菩薩及執金剛菩薩莊嚴王菩
薩并萬億諸天持呪神王見大光明各以威力作妙
莊嚴香華音樂來至佛所并諸眷屬皆繞三匝虔誠

合掌禮佛雙足爲供養已皆具威儀退坐一面爾時慈氏等諸大菩薩見諸大衆皆雲集已作如是念我觀大衆咸至佛所必當演說不可思議殊妙之法咸皆寂慮佇聽微言是時世尊知諸菩薩一切大衆心之所念卽從定起告莊嚴王菩薩言善男子汝今宜去觀此大地何所見耶時莊嚴王菩薩承佛教已從座而起卽觀大地旣徧觀已還至佛所禮佛雙足在一面立白佛言世尊我承佛教觀此大地所有人天一切大衆並皆雲集惟願慈悲爲諸衆生作饒益事爾時佛告莊嚴王菩薩言汝當一心聽我所說我今

當與六十四億有緣衆生授無上菩提記爾時執金剛菩薩卽從座起合掌向佛白言世尊今有無量億數天龍藥叉及諸羅刹乾闥婆阿脩羅揭嚙茶緊那羅莫呼洛伽人及非人并諸外道悉皆來集世尊今正是時惟願爲說一切法功德莊嚴王經能消一切業障能滅一切罪苦能斷一切魔業未信有情令生敬信除去飢饉常得豐樂消諸疾病遠離枉死亦令有情永除追悔悉得安隱常受快樂世尊我往昔時曾於電光佛所聽受此經纔得聞已一切妙法皆得現前一切惡道悉皆關閉所有業障咸得消除惟願

慈悲爲衆演說作是語已世尊默然爾時執金剛菩薩亦復如是再三殷勤勸請爲說佛告執金剛菩薩言善男子汝勿請我說一切法功德莊嚴王經何以故我若說者於後惡世當有衆生不能信受作如是語此經非是如來所說亦非讚毀此經能招善惡二種之業然彼衆生爲慳貪故不能恭敬供養是經於說法師亦不親近謗毀是經廣興不信於現世中造衆惡業未來之世墮地獄中受燒然苦善男子如此經王深可尊重猶如父母復能滅除諸惡業障然於五濁惡世非是說時亦非聽時何以故勿當念彼一

切外道及諸有情墮於地獄餓鬼傍生長受諸苦然此衆生信心缺少樂著諸欲勤營俗務販賣諍訟於此經典必起謗心此等衆生命終之後墮入大地獄當受極苦爾時衆中有八萬人俱從座起頂禮佛足白佛言世尊我等深心信是經典尊重供養書寫讀誦廣爲他說若有愚人不信此法由慢法故亦當毀罵輕陵於我我於爾時悉皆忍受報此經恩終無恨忿惟願爲說殊勝經典所以者何此妙經王於當來世利益衆生如佛無異作是語已退坐一面執金剛菩薩白佛言世尊云何菩薩摩訶薩求善知識佛言

善男子求善知識應當如是成就四法一者數往請問二者起精勤心三者意樂清淨四者尊重愛法執金剛菩薩白佛言世尊云何菩薩住阿蘭若佛言善男子成就四法住阿蘭若一者捨離俗家二者遠惡知識三者盡捨財物四者常攝自心爾時觀自在菩薩白佛言世尊我不見有聞此經人墮惡趣者世尊此經有大威德難可思量世尊若有暫聞此經禮拜讚歎供養恭敬獲無量福何況書寫讀誦受持種種香華而爲供養及說法師以衣食等而爲供養如是之人一切諸佛共所護念爲其授記當得往生安樂

世界如是法師與佛無異佛言善哉善哉善男子我亦供養如是法師亦爲授記當得生於安樂世界速趣菩提若復有人於諸佛所及此經典尊重恭敬已妙香華塗香末香衣服瓔珞種種音樂幢蓋繒旛而供養者此人終無非時橫死無有怨賊兵戰之怖亦無父母妻子眷屬朋友知識憂感之苦有所希求無不遂意善男子諸佛出世其事甚難得聞是經更難於彼若斯經典所在之處城邑聚落蘭若林中及餘住處當知此地卽是諸佛世尊之所攝受爾時執金剛菩薩白佛言世尊觀自在菩薩者以何因緣名觀

自在世尊告曰常以淨眼觀察世間所有衆生慰喻成熟慈悲利益便得安隱若稱名者有所願求咸令滿足以是因緣名觀自在復白佛言若有衆生但稱觀自在菩薩名者尚得滿足所求之事何況有人供養如來及此經典書寫讀誦廣爲他說衣服香華而爲供養此人得福無量無邊觀自在菩薩白佛言世尊此經大有威德能作佛事惟願世尊更爲哀愍諸衆生故爲說陀羅尼呪佛言善男子有陀羅尼名曰勝妙我昔爲菩薩時於勝妙世界妙音佛所與諸大衆共聞此陀羅尼呪既受得已證十地法無量衆生

悉皆獲得無生法忍爾時會中諸菩薩衆皆從座起
白佛言世尊惟願慈哀憐愍我等說此陀羅尼呪爾
時世尊以梵音聲卽說呪曰

怛姪他 逝也逝也 逝耶縛訶_聲 上
縛訶 忽魯忽魯鉢頭摩_聲
喇泥_{去聲} 地哩地哩地囉地哩 提婆額鉢利波
瑜陀溫多喇你鉢囉研羯囉你婆喇 你脯喇也
婆伽梵 我名某甲由佛加護 一切所求咸願圓滿
一切罪業皆悉消除 莎訶

佛言善男子此勝妙陀羅尼呢能除一切罪障能摧

78910123456789201234567893012345

伏他軍永無飢饉疾疫灾難病苦之事常能豐饒倉
廩盈實增益壽命此陀羅尼呪是諸佛母若有善男
子善女人信心頂禮恭敬供養書寫讀誦受持此經
亦復供養持經法師此人業障皆得消滅不遭橫死
於現身中常受歡樂父母妻子朋友眷屬悉皆安隱
所有願求無不遂意執金剛菩薩復白佛言世尊我
亦敬心持是經典若復有人以妙香華并諸飲食供
養此經及法師者我亦隨喜同心供養此經在其國
土王及諸人我皆擁護令離衰惱所求遂願世尊我
今發起勇猛之心爲彼國王及信受者亦爲宣說陀

羅尼呪而爲擁護佛言善男子汝能爲諸衆生利益
安樂說陀羅尼我當隨喜爾時執金剛菩薩以佛神
力所加持故說此陀羅尼呪

南麼薩婆訥陀怛他揭多喃引南麼阿彌多婆也
怛他揭多也南麼薩婆菩提薩埵喃南麼薩

婆莫嚙地雞弊毘也怛姪他虎呼謎虎呼謎末底
莫訥末底跋折羅末底姪栗茶跋折羅末底

怛他揭多阿奴鉢哩婆利帝薩囉薩囉阿瑜
目企苾哩俱拔毗俱多目企訥栗閉訥栗
波鹿計薩帝丁也阿奴颯末囉薄伽梵跋折囉

波你 薩婆波跋羯麼貢也 我某甲自稱已名所有願

求皆得遂意當與我願以佛陀實語達摩實語菩薩

實語聲聞實語 莎訶

世尊若復有人欲入菩薩地願見諸如來樂生淨土及希富貴財寶豐盈無病延壽者應當於此微妙經典及以法師書寫讀誦香華妓樂衣服飲食繒蓋幢幡而爲供養如是之人我當擁護所求願滿常起愛念猶如一子世尊若復有人稟性癡鈍欲求聰明及護國土令無疾疫者當於白月八日起首一日斷食念誦此呪至十五日乃至月盡於中惟食三種白食

謂白飯乳酪清淨澡浴誦此神呪滿十萬徧若有力者滿三十萬徧常可隨力供養三寶次令畫師受八戒齊身衣淨潔而畫其像於其鋪中安釋迦佛像處師子座作說法儀右邊安觀自在菩薩以諸嚴具而莊飾之於蓮華上立身有四臂右邊上手執梵本經下手執數珠左邊上手執白蓮華下手把君持左邊安執金剛杵右手執金剛杵左手遙承杵頭顏貌和悅瓔珞嚴身於其四邊安護四世天王此等尊像皆以繒帶盛佛舍利挾在身中次於像前可作一壇隨時大小四面開門以牛糞塗拭種種香華散布其上

香爐五具別然五香所謂沉檀蘇合安悉熏陸於壇四門各安兩瓶或盛清水或復盛乳燈盞十六隨處安置懸繒旛蓋及衆音樂香水灑地香華飲食而爲供養於壇四角令人讀誦此經各各澡浴著鮮淨衣食三白食其所爲人置華手中令彼合掌說所求事起慈念心隨情發願以華散佛有所願者皆得從心於七日中我當爲現殊勝相狀令見好夢共其言語溝彼求心除不信者佛言善哉善哉汝能愍諸有情說此呪法爾時觀自在菩薩告執金剛菩薩言此妙經典難可值遇薄福衆生於其國內雖有此經不能

得見亦復不能書寫讀誦聽聞受持何以故由有惡魔爲障礙故復次善男子若有衆生書寫讀誦此經典時有四惡魔而爲惱亂云何爲四一者情生懈怠二者起不信心三者於法師處不生尊重四者心不能定此人卽應知是魔事復有四種惡魔之業云何爲四一者遠離善知識二者不如理作意三者不解文字四者惟見現在言無未來造諸惡業心無怖懼說無因果我說者是餘皆非法樂營俗務貪染所纏如是衆生當墮地獄經無數劫受大苦惱復次有四種魔云何爲四一者貪著財物二者親近惡友三者

障礙法師四者於法師說陳其罪過是等衆生由此業故當受貧窮不見善友遠離尊師作邪見想說無因果墮於地獄受諸劇苦佛告大眾我今再三實言告汝勿爲放逸輕此經典一心信受莫生誹謗爾時世尊欲重宣此義而說頌言

| | |
|---------|---------|
| 我曾宣說衆經王 | 令諸衆生得正覺 |
| 今更說斯真妙典 | 汝聞恭敬善修行 |
| 勿受當來極苦痛 | 墮在地獄經多劫 |
| 能於此經生信心 | 世世常爲我真子 |
| 又復供養此經者 | 當得生於淨土中 |

| | |
|--|---------|
| 現無羅刹鬼神欺 | 亦無衆惡來侵擾 |
| 若此經王所住處 | 無諸灾厄能害人 |
| 所有求願悉隨心 | 安樂能至菩提岸 |
| 爾時四天王聞此頌已悲泣流淚舉身顛掉禮佛雙足白言世尊我等四天王若見守持此經法師我當供養彼說法時及諸聽衆皆當覆護若有國王於此經典書寫讀誦受持供養者我當擁衛及彼國人猶如一子亦以衣服瓔珞而供給之令彼國界豐饒財寶無所缺乏若戰陣時常令得勝念報佛恩我無懈怠世尊若復有人聞此經典不生信心供養法師者 | |

7890123456789201234567893012345

我於是人無有方便能爲救脫但生憂惱佛言善哉
善哉汝護正法能生如是殷重之心爾時持國天王
乾闥婆主從座而起頂禮佛足合掌恭敬白佛言世
尊當來之世有諸衆生常行不善不信如來於此經
典不能供養書寫讀誦亦不行施不信布施有現世
樂報世尊大慈爲如是等不信人故說此經典令彼
受行佛言善男子有二種事令諸衆生墮大地獄生
死輪迴一者姪欲二者瞋恚復有四法令諸衆生生
人天中云何爲四一者於諸衆生心行平等二者於
三寶所起殷重心三者所有資生皆悉能施四者堅

持梵行無令有缺爾時世尊欲重宣此義而說頌言

布施能有大威神

於三惡趣拔衆苦

衆生慳貪癡所惑

種種染欲惱其情

聞此經典不敬受

於佛法中無信施

捨身當墮於惡趣

當受無邊大劇苦

饒益國主及人民

我說斯經具威德

令離惡病衆邪惱

不被藥叉等所害

若有信經書寫人

供養能生無量福

一切衆生智如佛

多劫說福不能盡

若有經於多劫數

供養一切諸菩薩

不如於此妙經王 暫時信心書一字

持前功德比此福 此爲億分不及一

是故智人於此經 一心奉行無懈怠

爾時觀自在菩薩白佛言世尊當來之世若有善男子善女人於此經典深生敬信以妙香華及諸飲食衣服臥具咸悉供養說法之師及寫此經讀誦之者此人現世必當獲得無量福利饒益其身離諸病苦眼等六根清淨無患不遭水火飢饉厄難亦無惡毒之所中傷一切有情見者歡喜命終之時見不動佛來相慰喻告言善男子汝修善根其福無量十方淨

土極樂世界隨意受生爾時觀自在菩薩白佛言世尊善哉善哉世尊爲欲哀愍瞻部洲中諸衆生故說此經典當來之世廣作佛事利益衆生此大明呪能除一切極重業障佛言善男子惡業衆生其罪深重不聞此經不能書寫受持讀誦若有衆生聞此經典書寫受持尊重供養當知皆是佛之威神力故若復有人於此經典能爲他人說一字者供養此人與佛無異何以故善男子此經乃是過去七千諸佛之所宣說一切菩薩悉皆隨喜諸天擁護是菩薩母爾時執金剛菩薩白佛言世尊此之經典於未來世當於

何處具足流通佛言善男子此經當於海龍王宮及三十三天皆具足有贍部洲中但有少分隨處流通佛言善男子我今以此經典付囑於汝應當受持供養擁護與佛無異在處流通勿令斷絕利益衆生廣爲佛事執金剛菩薩白佛言世尊我今受佛教勅流布此經亦復護彼持經法師佛言善哉善哉善男子此實是汝所作之事復次觀自在菩薩白佛言世尊我今至誠敬禮如是微妙經典於說法者及書寫人悉皆供養世尊若有薄福之國無道君王設有此經不能供養及以法師此經隱沒彼國當有災難惡事

禍變現前如是當知正法欲滅智者見已殷心供養佛言善哉善哉善男子如汝所說假使有人滿足千歲以種種樂具供養諸大菩薩及聲聞衆數若恒河沙復以七寶同此沙數而爲布施後捨自身善男子如是之福比於供養持經之福乃至一句一字百千萬分彼不及一何況盡能書寫讀誦何以故此經及呢有大威力若受持者了身無堅如幻如夢知法無我蒙佛授記得大菩提爾時大衆一切菩薩及天龍藥叉阿蘇羅揭路荼人非人等皆共一心同聲讚佛善哉善哉此是第二轉大法輪我等悉皆恭敬供養

此經所在國土城邑亦當擁護并說法者若有衆生
謗此經者現身獲得無量重罪命終之後當墮地獄
我捨是人不爲擁護佛言善男子我今亦以經典付
囑於汝當來之世廣爲宣揚勿令斷滅此經有大利
益安樂人天增長福田離三惡趣勿生疑惑常勸受
持佛說此經時六萬四千人皆得無生法忍觀自在
菩薩復白佛言世尊若有衆生信心晝寫受持讀誦
供養此經者此人命終當生何處得幾所福佛言善
男子汝能問此殊勝福事此人命終永離惡趣常生
淨土假使有人行菩薩行捨頭目手足及以妻子亦

復不如持此經典此經在處其地方所則爲是塔皆
應供養觀自在菩薩復白佛言世尊當來之世持此
經者我爲授記消滅五逆極重罪障九萬劫中常受
富貴於八萬劫作轉輪聖王佛言如是如是善男子
我憶過去無量劫時有佛世尊名無邊功德法智清
淨星宿王如來我於爾時作婆羅門於彼佛所得聞
此經受持讀誦得法眼淨其同聽者從是已來不墮
惡趣漸次當得無上菩提善男子我於無量曠大劫
中爲此法故捨諸財寶頭目手足妻子城邑修淨梵
行無悔惱心汝等亦當如是修習是時大衆聞說過

789 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

去苦行之事咸皆泣淚白佛言希有世尊當來之世
有能受持讀誦供養此經典者得無量福若有苾芻
苾芻尼邬波索迦邬波斯迦等於此經王不能讀誦
陀羅尼呪不肯受持亦復不能勤修六度於苦惱者
無憐愍心如是之人於無量劫墮生死海受諸苦惱
善男子譬如婦人身懷重孕乃至十月時此婦人加
諸病苦支節痠疼猶如刀解不能飲食欲產之時受
大劇苦作如是念我若免難永不妊娠欲常修梵行纔
產之後還行惡法便忘先時苦切之患善男子當來
之世愚癡衆生亦復如是不信此經亦不讀誦布施

持戒忍辱精進修定修慧貪著俗情樂世間事不行
二業清淨之因此等衆生墮於地獄始生悔心如懷
孕婦人身遭極苦受苦惱已從地獄出既得人身耽
五欲樂其地獄苦不能記念還造惡業善男子譬如
有人多飲藥酒飲已昏迷不知家處佛法僧寶父母
妻子曾不憶念無恭敬心由昏醉故遂往屍林險難
之處亦無怖畏惶懼之心作如是念豈有天龍藥叉
之類能怖於我如是醉人雖於此時委臥荆棘便生
樂想醉醒之後心懷追悔自知非法言我從今乃至
命盡更不飲酒作衆過失後遇惡緣還復耽飲同前

78910123456789201234567893012345

造過愚癡有情亦復如是由貪染故多畜珍財作諸
嬌逸不念三寶棄背尊親亦不修行施戒忍等不欲
希求淨佛國土此等有情常處生死無涯海中當墮
地獄長受衆苦設得爲人處胎之時受衆苦惱被苦
逼身便作是念我若得免此厄難者更不作罪受斯
極苦恒修善業願生淨土彼得人身由愚癡故作衆
罪業還墮惡道是故汝等當善修行勿爲放逸是我
要略之所教誠爾時具壽阿難陀白佛言世尊此經
復有何名云何受持佛言此經凡有五名一名救一
切衆生苦厄二名菩薩真實所問三名神通莊嚴王

四名能成諸佛正覺五名一切法功德莊嚴王佛說
是經已諸大菩薩及聲聞衆天龍藥叉阿蘇羅乾達
婆人非人等皆大歡喜信受奉行

佛說一切法功德莊嚴王經

大唐神龍元年七月十五日

三藏法師義淨奉

制于洛州大福先寺新譯并綴文正字

翻經沙門婆羅門大德槃度讀梵文

翻經沙門荊州大唐龍興寺大德弘景證文

翻經沙門大總持寺上座大宜證文

翻經沙門大薦福寺大德勝莊證義

翻經沙門郴州禪河寺大德玄傘筆受

翻經沙門淄州大雲寺大德慧沼證義

翻經沙門大唐龍興寺大德智積證義

中大夫檢校兵部侍郎臣崔湜潤文

中大夫行給事中上柱國臣盧欒潤文正字

音釋

頽

丁可切謎

莫計切

顛掉

顛之膳切掉徒弔

瘞瘞切

瘞瘞

瘞瘞

冬切

波徒

佛說拔除罪障呪王經

唐三藏法師義淨奉制譯

如是我聞一時薄伽梵在淨居天上爲諸大衆說微妙法是時曼殊室利菩薩摩訶薩於大衆中卽從座起偏露右肩右膝著地合掌向佛瞻仰尊容目未曾捨白佛言世尊此大法門甚深微妙實爲希有然於當來五濁世時惡業衆生具貪恚癡欺誑不信樂行非法不修戒品專行諂僞彼於呪法所有威神力通變現於諸國土隨其方處求者獲益功德成就念誦儀軌祭祠法式皆不信受亦不依行謂非佛說而爲

訪毀惡障纏心卽便命過墮大地獄受極苦惱無有
出期世尊此等衆生旣遭大苦云何救護惟願慈悲
救濟今出爾時釋迦牟尼如來卽便舒手摩曼殊室
利法王子頂告言善哉曼殊室利爲欲利益一切有
情能問如來如是義利汝當諦聽極善作意我今爲
汝說此呢法安樂人天利益一切於諸呢法最爲殊
勝祕密甚深順菩提道依真法界獲大功德於臨終
時必能憶此大力呢王正念現前當生善處卽說呢
曰

南麼薩婆怛他揭瓶驃 阿羅歌驃 喇 拘麼囉

乎盧比那 眇輸和三婆婆阿揭車阿揭車 洛呼
洛呼 勃纜勃纜 哈哈 氏邢市 曼殊室利也
蘇室哩也 多賴也漫引聲薩婆毒溪驃發發 苦
麼也 苦麼也 阿弭都嗚婆苦嗚婆 婆波跋
謎邢勢也 莎訶

曼殊室利此卽是汝最勝根本呢藏心王神呢能除
一切苦惱厄難諸惡罪障悉皆消滅長壽無病富樂
無窮言詞聰慧衆人愛敬亦能通利一切呢王時釋
迦牟尼如來說是語時諸佛刹土及此大地山河江
海盡有情界六種震動一切惡趣餓鬼傍生琰魔王

界地獄有情苦惱停息皆得安樂佛復告曼殊室利若天若人若男若女在家出家諸有情類若能志心受持此呪王者不被惡人之所欺謗魔不得便怨不能害毒不能傷一切障礙毗那夜迦皆自退散其受持者應起此心諸佛世尊難思議法惟佛與佛乃能證知我今豈敢輒生誹謗爾時世尊說此法已彼諸大衆并淨居天及餘諸天無量百千俱胝天龍藥叉健達婆阿脩羅等禁呪成就諸大仙人及曼殊室利法王子觀自在菩薩慈氏菩薩大勢至菩薩執金剛菩薩如是等諸大菩薩及阿僧祇世界諸佛刹土一

切如來并諸菩薩當共證知此大呪王是不可思議法是大神呪是大明呪是無上呪是無等等呪能除罪苦障真實不虛爾時諸天大衆聞說呪王皆大歡喜頂戴奉行

佛說拔除罪障呪王經

音釋

驃毗召發切

召發切

佛說善夜經

唐三藏法師義淨奉制譯

如是我聞一時薄伽梵在王舍城竹林園所去斯不遠有一苾芻住溫泉側時有一天顏貌端嚴光明殊妙過初夜分詣苾芻所彼天威光周圓赫奕悉皆照耀普偏溫泉合掌禮敬在一面坐白苾芻言大德仁頤先聞善夜經不苾芻答曰我未曾聞如是經典復問天言仁先知不天曰我亦不知苾芻曰誰有知者天曰無上慈父在竹林園仁今可往詣彼請問如佛所說當奉行之說是語已忽然不現時彼苾芻至天

曉已詣世尊所頂禮雙足在一面立白言世尊昨夜有天過初更後來詣我所光明照耀周徧溫泉而問我言仁頗先聞善夜經不我言未聞我問彼天仁先知不答言不知我復問言誰有知者彼言無上慈父在竹林園仁可往問如佛所說當奉行之說是語已忽然不現我緣斯事故來至此請問世尊佛告苾芻汝識彼天不答言不識汝今當知彼是三十三天勝妙天子威德大將名曰栴檀爲欲利益諸衆生故來覺悟汝問是經名時彼苾芻復白佛言世尊我今願聞善夜經典惟願世尊哀愍爲說爾時世尊告苾芻

言此善夜經具大功德若有聞者能斷煩惱速證菩提汝等諦聽善極作意吾當爲說過去諸法不應追念未來諸法亦不希求現在諸法勿生染著如是行者名真解脫爾時世尊卽說頌曰

過去不應念 未來不希求 於現在時中

皆如法觀察 妄想心難遣 智人應善觀

宜可速勤修 焉知至明日 由彼死王來

與汝鎮相隨 是故我牟尼 善夜經今說

常願諸有情 離苦獲安樂 不造諸惡業

恒修於衆善

7 8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4 5

爾時世尊爲欲利益一切衆生令於長夜得安隱樂離諸障惱於生生處增長善根常遇三寶不墮惡趣復更說此陀羅尼曰

怛姪他 暈尼婆引喇你 跋陀摩單滯 摩膩你
 楚拔拔拔瞿里健陀里 旃荼里摩登祇上聲薩囉
 獄帝 莫呼刺膩攝鉢利 研羯囉婆引枳 摄代
 里莫訶攝伐里 步精揭巨列切 你 你弭你名揭你
 訖粟多引 你莎引訶引僧拽體天移切 曇去聲
 伽帝捺囉伽帝 謗蘇迦波引 衆去聲 覺
 波引 衆 答布檀泥去聲 莎訶

若有苾芻苾芻尼鄖波索迦鄖波迦斯及餘善男子
 善女人等於此善夜經中若一伽他若一句呪讀誦
 受持供養尊重明解其義爲他演說當知是人於一
 切時無諸灾厄亦無非橫及諸衰惱能知過去七生
 之事亦不忘失大菩提心決定能趣涅槃正道若有
 善男子善女人受持讀誦此善夜經者於未來世所
 生之處必定當得宿住之智常受尊貴安隱快樂復
 說頌曰

此人一切時 無有枉橫事 由造順時業
 永離非時死 摠護諸衆生 令離病憂怖

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

不祥及惡夢 驚路常安隱 若男子女人
戴持此經者 具相人敬重 所願皆圓滿
若於身語意 所有諸不善 由此經威力
終無有惡報 若水火王賊 雷電毒害等
怨家戰諍時 念經皆得脫 又復有明呢
若能讀誦者 於一切時中 長善滅諸惡

卽說呪曰

怛姪他 你弭尼民達哩 窒哩盧迦引盧枳你
室哩輸羅陀咧 你惡矩比 姮哩底奴麗 矩都軍
底 矩都屈此 雞嘍底矩比你 擁護擁護我某

甲於一切恐怖處於一切疾病苦痛處於一切憂愁
相惱處於一切毒蟲毒藥處於一切鬼魅厭禱處於
一切王賊水火處於一切猛獸驚怖處於一切謗讟
言訟處於一切冤家鬭諍處於一切身意惡業處所
有語業四過處於一切厄難危亡處并執金剛神常
擁護我某甲並諸眷屬莎引訶引

復說呪曰

怛姪他 咿哩哩弭里一里 畢舍脂鉢拏 摄
伐里止里莎訶
爾時世尊說是經已時彼苾芻及諸大衆人天八部

佛說善夜經

校讎

第三紙

第九行在
北藏作在

音釋

橐

余制
切

室

陟栗徒谷切
而謗也

讐

徒谷切怨
而謗也

佛說虛空藏菩薩能滿諸願最勝心陀羅尼求聞持法

出金剛頂經成
就一切義品

唐三藏法師輸波迦羅譯

爾時薄伽梵入諸波羅蜜平等性三摩地從定起已卽說此能滿諸願虛空藏菩薩最勝心陀羅尼曰

南牟

一阿迦引去聲

捨

舒可二揭切

婆

去聲三引

耶

余可四切

唵

阿唎

五迦引去聲

麼

唎

六慕引去聲

莎

縛

訶

八

薄伽梵言此陀羅尼是過去現在一切諸佛之所同說若能常誦此陀羅尼者從無始來五無間等一切罪障悉皆消滅常得一切諸佛菩薩共所護念乃至

未成佛來所生之處虛空藏菩薩恒隨守護令諸有情常所樂見諸有善願無不滿足一切苦患皆悉消除常生人天不墮惡趣生生之處常憶宿命設不加法但能常誦獲福如是若欲加法持此陀羅尼求聞持者當於絹素白氈或淨板上先畫滿月於中畫虛空藏菩薩像其量下至不減一肘或復過此任其力辨菩薩滿月增減相稱身作金色寶蓮華上半加而坐以右壓左容顏殊妙作熙怡喜悅之相於寶冠上有五佛像結跏趺坐菩薩左手執白蓮華微作紅色於華臺上有如意寶珠吠瑠璃色黃光發焰右手復

作與諸願印五指垂下現掌向外是與願印相畫像了已當於空閑寂靜之處或在淨室塔廟山頂樹下隨在一處安置其像面正向西或容向北淨物覆之別作一方木曼茶羅下至一肘過此亦任其壇下安四足或以編附上面去地恰須四指其板若用檀沉作者最爲殊勝不爾或以柏等有香之木爲之亦得如法作已置於像前次應嚴辦五種供具所謂塗香諸華燒香飲食燈明塗香者磨白栴檀爲之華以隨時藥草所生者充若無時華當以粳米或燒薺麥或取橘柏等葉或用丁香以充華用燒香但以沉檀龍

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

臘隨應用之食除葷穢每須新淨燈用牛酥油亦通
許當欲具辨此物之時必須晨朝盥洗手面護淨如
法具辦足已置在壇邊然後出外復以淨水重洗手
已卽作手印掌承淨水誦陀羅尼三徧便卽飲之其
手印相先仰舒右手五指屈其頭指與大拇指相捻
狀如捻香此是虛空藏菩薩如意寶珠成辦一切事
印復以此印如前承水誦陀羅尼三徧竟已灑頂及
身卽令內外一切清淨次應往詣像所至心禮拜面
向菩薩半加而坐舉去像上所覆之物次卽須作護
身手印其手印相先舉右手然後以頭指與大拇指

相捻狀若捻香其頭指屈第二節其第一節極令端
直方始印相如法作此印已置於頂上誦陀羅尼一
徧次置右肩復誦一徧左肩心喉亦復如是作此護
身法已一切諸佛及虛空藏菩薩攝受此人一切罪
障卽皆消滅身心清淨福慧增長一切諸魔及毗那
夜迦皆不得便復作前印掌承淨水誦陀羅尼一徧
灑塗香等諸供養物并壇及近壇之地復如前作護
身手印置塗香上誦陀羅尼一徧餘華香等乃至木
壇各皆如是作此法已華香等物卽便清淨復作護
身手印右轉三匝兼指上下但運其印身不動搖誦

陀羅尼七徧隨其自心遠近分齊結十方界次應閉
目思惟虛空藏菩薩真身卽與此像等無有異復用
護身印作意請虛空藏菩薩誦陀羅尼二十五徧已
卽舉大拇指向裏招一度頭指如舊復作此印誦陀
羅尼三徧燈上蓮華以之爲座復想菩薩來坐此華
卽便開目見菩薩已生希有心作真身解又誦三徧
手印如前作是念言今者菩薩來至於是陀羅尼
力非我所能惟願尊者暫住於此次取塗香誦陀羅
尼一徧用塗其壇次復取華亦誦一徧布散壇上燒
香飲食燈明次第取之皆誦一徧手持供養置在壇

邊復作念言一切諸佛菩薩福慧熏修所生旛蓋清
淨香華衆寶之具悉皆嚴好復作手印誦陀羅尼一
徧如前想念諸供養物悉得成辦卽持供養一切如
來及諸菩薩如是運心供養中最如意不能辦塗香
等供養之物但作第二運心供養法亦成就卽以手
印掐珠誦陀羅尼明記徧數誦時閉目想菩薩心上
有一滿月然所誦陀羅尼字現滿月中皆作金色其
字復從滿月流出澍行人頂復從口出入菩薩足如
自發言詰啓菩薩足下誦陀羅尼未止息來所想之
字巡還往來相續不絕如輪而轉身心若倦卽須止

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

息至誠瞻仰便坐禮拜閉目復觀滿月菩薩極明了已應更運心令漸增長周徧法界復漸略觀於最後時量如本已方始出觀又作前手印誦陀羅尼三徧已舉大拇指發遣菩薩作是念言惟願慈悲布施歡喜後會法事復垂降赴如是誦陀羅尼隨其力能或一日一上或一日兩上從始至終每如初日徧數多少亦如初上不得增減前後通計滿百萬徧其數乃終亦無時限然於中間不容間闊後於日蝕或月蝕時隨力捨施飲食財物供養三寶卽移菩薩及壇露地淨處安置復取牛酥一兩盛貯熟銅器中并取有

乳樹葉七枚及枝一條置在壇邊華香等物加常數倍供養之法一一同前供養畢已收前樹葉重布壇中復於葉上安置酥器還作手印誦陀羅尼三徧護持此酥又以樹枝攬酥勿停其手目觀日月兼亦看酥誦陀羅尼無限徧數初蝕後退未圓已來其酥卽有三種相現一者氣二者煙三者火此下中上三品相中隨得一種法卽成就得此相已便成神藥若食此藥卽獲聞持一經耳目文義俱解記之於心永無遺忘諸餘福利無量無邊今且略說少分功德如至却退圓滿已來三相若無法不成就復應更從初首

而作乃至七徧縱有五逆等極重罪障亦皆消滅法
定成就

音釋

蕎

拇莫厚切
大指也

奴協

切檻

孟切

開指

古治
切爪

欽定四庫全書

一切功
兩虛經人平釋

德莊空藏祥道

嚴刑最勝

可附面
支

中華書局影印
宋史

卷之三

重葉

卷之三

佛說佛地經

唐三藏法師玄奘奉制譯

如是我聞一時薄伽梵住最勝光曜七寶莊嚴放大光明普照一切無邊世界無量方所妙飾間列周圓無際其量難測超過三界所行之處勝出世間善根所起最極自在淨識爲相如來所都諸大菩薩衆所雲集無量天龍人非人等常所翼從廣大法味喜樂所持作諸衆生一切義利滅諸煩惱灾橫纏垢遠離遊路大止妙觀以爲所乘大空無相無願解脫爲所

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

入門無量功德衆所莊嚴大寶華王衆所建立大宮殿中是時薄伽梵最清淨覺不二現行趣無相法住於佛住逮得一切佛平等性到無障處不可轉法住行無礙其所成立不可思議遊於三世平等法性其身流布一切世界於一切法智無疑滯於一切行成就大覺於諸法智無有疑惑凡所現身不可分別一切菩薩正所求智得佛無二住勝彼岸不相間雜如來解脫妙智究竟證無中邊佛地平等極於法界盡虛空性窮未來際與諸無量大聲聞衆俱一切調順皆是佛子心善解脫慧善解脫戒善清淨趣求法樂

多聞聞持其聞積集善思所思善說所說善作所作捷慧速慧利慧出慧勝決擇慧大慧廣慧及無等慧慧寶成就具足三明逮得第一現法樂住大淨福田威儀寂靜大忍柔和成就無滅已善奉行如來聖教復有無量菩薩摩訶薩從諸佛土俱來集會皆住大乘遊大乘法於諸衆生其心平等離諸分別及不分別種種分別摧諸魔怨遠離一切聲聞獨覺繫念分別廣大法味喜樂所持超五怖畏一向趣入不退轉位息諸衆生一切苦惱所逼迫地而現在前妙生菩薩而爲上首爾時世尊告妙生菩薩妙生當知有五

78910123456789201234567893012345

種法攝大覺地何等爲五所謂清淨法界大圓鏡智平等性智妙觀察智成所作智妙生當知清淨法界者譬如虛空雖徧諸色種種相中而不可說有種種相體惟一味如是如來清淨法界雖復徧至種種相類所知境界而不可說有種種相體惟一味又如虛空雖徧諸色不相捨離而不爲色過所染汙如是如來清淨法界雖徧一切衆生心性由真實故不相捨離而不爲彼過所染汙又如虛空含容一切身語意業而此虛空無有起作如是如來清淨法界含容一切智所變化利衆生事

法界無有起作又如空

中種種色相現生現滅而此虛空無生無滅如是如來淨法界中諸智變化利衆生事現生現滅而淨法界無生無滅又如空中種種色相現增現減而此虛空無增無減如是如來淨法界中顯示甘露聖教有增有減而淨法界無增無減又如空中十方色相無邊無盡是虛空界無邊盡故而此虛空無去無來無動無轉如是如來淨法界中建立十方一切衆生利益安樂種種作用無邊無盡清淨法界無邊盡故而淨法界無去無來無動無轉又如空中三千世界現壞現成而虛空界無壞無成如是如來淨法界中現

無量相成等正覺或復示現入大涅槃而淨法界非
成等覺非入寂滅又如依空種種色相壞爛燒燥變
異可得而虛空界非彼所變亦無勞弊如是依止如
來淨界衆生界內種種學處身語意業毀犯可得而
淨法界非彼變異亦無勞弊又如依空大地大山光
明水火帝釋眷屬乃至日月種種可得而虛空界非
彼諸相如是依止如來淨界戒蘊定蘊慧蘊解脫解
脫智見諸蘊可得而淨法界非彼諸相又如空中種
種因緣展轉生起三千大千無量世界周輪可得而
虛空界無所起作如是如來淨法界中具無量相諸

佛衆會周輪可得而淨法界無所起作復次妙生大
圓鏡智者如依圓鏡衆像影現如是依止如來智鏡
諸處境識衆像影現惟以圓鏡爲譬喻者當知圓鏡
如來智鏡平等平等是故智鏡名圓鏡智如大圓鏡
有樂福人懸高勝處無所動搖諸有去來無量衆生
於此觀察自身得失爲欲有得捨諸失故如是如來
懸圓鏡智處淨法界無間斷故無所動搖欲令無量
無數衆生觀於染淨欲爲取淨捨諸染故又如圓鏡
極善磨瑩鑒淨無垢光明徧照如是如來大圓鏡智
於佛智上一切煩惱所知障垢永出離故極善磨瑩

爲依止定所攝持故鑒淨無垢作諸衆生利樂事故
光明偏照又如圓鏡依緣本質種種影像相貌生起
如是如來大圓鏡智於一切時依諸緣故種種智影
相貌生起如圓鏡上非一衆多諸影像起而圓鏡上
無諸影像而此圓鏡無動無作如是如來圓鏡智上
非一衆多諸智影起圓鏡智上無諸智影而此智鏡
無動無作又如圓鏡與衆影像非合非離不聚集故
現彼緣故如是如來大圓鏡智與衆智影非合非離
不聚集故不散失故又如圓鏡周瑩其面於一切處
爲諸影像徧起依緣如是如來大圓鏡智不斷無量

衆行善瑩爲諸智影徧起依緣謂聲聞乘諸智影像
獨一覺乘諸智影像無上大乘諸智影像爲欲令諸
聲聞乘人依聲聞乘而出離故獨一覺人依獨覺乘
而出離故大乘之人依無上乘而出離故如圓鏡中
大影可得所說大地大山大樹大宮舍影而是圓鏡
不等彼量如是如來圓鏡智上從極喜地乃至佛地
智影可得及與一切世出世法智影可得而圓鏡智
非彼分量又如圓鏡非處障質影像起緣如是如來
大圓鏡智非惡友攝聞不正法障礙衆生智影起緣
非彼器故又如圓鏡非處暗質影像起緣如是如來

78910123456789201234567893012345

大圓鏡智非處樂惡愚昧衆生智影起緣彼非器故
又如圓鏡非處遠質影像起緣如是如來大圓鏡智
非處不淨感匱法業不信衆生智影起緣彼非器故
復次妙生平等性智者由十種相圓滿成就證得諸
相增上喜愛平等法性圓滿成故證得一切領受緣
起平等法性圓滿成故證得遠離異相非相平等法
性圓滿成故弘濟大慈平等法性圓滿成故無待大
悲平等法性圓滿成故隨諸衆生所樂示現平等法
性圓滿成故一切衆生敬受所說平等法性圓滿成
故世間寂靜皆同一味平等法性圓滿成故世間諸

法苦樂一味平等法性圓滿成故修植無量功德究
竟平等法性圓滿成故復次妙生妙觀察智者譬如
世界持衆生界如是如來妙觀察智住持一切陀羅
尼門三摩地門無礙辯說諸佛妙法又如世界是諸
衆生頓起一切種種無量相識因緣如是如來妙觀
察智能爲頓起一切所知無礙妙智種種無量相識
因緣又如世界種種可玩園林池等之所莊嚴甚可愛
樂如是如來妙觀察智種種可玩波羅蜜多菩提
分法十力無畏不共佛法之所莊嚴甚可愛樂又如
世界洲渚日月四天王天三十三天及夜摩天覩史

多天樂變化天他化自在梵身天等妙飾間列如是
如來妙觀察智世及出世衰盛因果聲聞獨覺菩薩
圓證無餘觀察妙飾間列又如世界爲諸衆生廣大
受用如是如來妙觀察智示現一切諸佛衆會雨大
法雨爲令衆生受大法樂如世界中五趣可得所謂
地獄餓鬼畜生人趣天趣如是如來觀察智上無邊
因果五趣差別具足顯現如世界中欲色無色諸界
可得如是如來觀察智上無邊因果三界差別具足
顯現如世界中蘇迷盧等大寶山王顯現可得如是
如來觀察智上諸佛菩薩威神所引廣大甚深教法

可得如世界中廣大甚深不可傾動大海可得如是
如來觀察智上一切天魔外道異論所不傾動甚深
法界教法可得又如世界大小輪山之所圍繞如是
如來妙觀察智不愚一切自相共相之所圍繞復次
妙生成所作智者如諸衆生勤勵身業由是衆生趣
求種種徇利務農勤工等事如是如來成所作智勤
身化業由是如來示現種種工巧等處摧伏諸技倣
慢衆生以是善巧方便力故引諸衆生令入聖教成
熟解脫又如衆生受用身業由是衆生受用種種色
等境界如是如來成所作智受身化業由是如來往

諸衆生種種生處示同類生而居尊位由其示現同
類生故攝伏一切異類衆生以是善巧方便力故引
諸衆生令入聖教成熟解脫又如衆生領受身業由
是衆生領受所作善惡業果如是如來成所作智領
身化業由是如來不現領受本事本生難修諸行以
是善巧方便力故引諸衆生令入聖教成熟解脫又
如衆生慶慰語業由是衆生展轉談論遞相慶慰如
是如來成所作智慶語化業由是如來宣暢種種隨
所樂法文義巧妙小智衆生初聞尚信以是善巧方
便力故引諸衆生令入聖教成熟解脫又如衆生方

便語業由是衆生展轉指授務專所作毀惡讚善更
相召命如是如來成所作智所起方便語變化業由
是如來立正學處毀諸放逸讚不放逸又復建立隨
信行人隨法行等以是善巧方便力故引諸衆生令
入聖教成熟解脫又如衆生辯揚語業由是衆生展
轉開示所不了義宣諷諸論如是如來成所作智辯
語化業由是如來斷諸衆生無量疑惑以是善巧方
便力故引諸衆生令入聖教成熟解脫又如衆生決
擇意業由是衆生決擇可作及不可作如是如來成
所作智決意化業由是如來決擇衆生八萬四千心

行差別以是善巧方便力故引諸衆生令入聖教成
熟解脫又如衆生造作意業由是衆生造作種種諸
所起業如是如來成所作智造意化業由是如來觀
諸衆生所行之行行與不行若得若失爲令取捨造
作對治以是善巧方便力故引諸衆生令入聖教成
熟解脫又如衆生發起意業由是衆生發起諸業如
是如來成所作智發意化業由是如來爲欲宣說彼
對治故顯彼所樂名句字身以是善巧方便力故引
諸衆生令入聖教成熟解脫又如衆生受領意業由
是衆生受領苦樂如是如來成所作智受意化業由

是如來於定不定反問置記爲記窮故隨其所應受
領去來現在等義以是善巧方便力故引諸衆生令
入聖教成熟解脫爾時妙生菩薩摩訶薩白佛言世
尊爲獨如來於淨法界受用和合一味事智爲諸菩
薩亦能如是佛告妙生菩薩亦能受用和合一味事
智妙生菩薩復白佛言何等菩薩受用和合一味事
智佛告妙生證得無生法忍菩薩由彼菩薩無生法
中得忍解時對治二想由遣自他二種想故得平等
心從此已上彼諸菩薩自他異想不復現前受用和
合一味事智妙生菩薩復白佛言惟願如來廣說譬

喻令諸菩薩悟甚深義隨所化緣廣宣流布令諸衆生聞已疾悟無生法忍佛告妙生譬如三十三天未入雜林終不能於若事若受無我我所和合受用若入雜林卽無分別隨意受用由此雜林有如是德能令諸天入此林者天諸果報若事若受無所思惟和合受用如是菩薩若未證得無生法忍終不能得平等之心平等之捨乃與一切聲聞獨覺無有差別有一相故彼不能住受用和合一味事智若已證得無生法忍遣二想故得平等心遂與聲聞獨覺差別由平等心而能住捨受用和合一味事智復次妙生譬

如種種大小衆流未入大海各別所依異水少水水有增減隨其水業所作各異少分依持水族生命若入大海無別所依水無差別水無限量水無增減所作業一廣大依持水族生命如是菩薩若未證入如來清淨法界大海各別所依異智少智智有增減隨其智業所作各異少分衆生成熟善根之所依止若已證入如來清淨法界大海無別所依智無差別智無限量智無增減受用和合一味事智無量衆生成熟善根之所依止爾時世尊而說頌曰

一切法真如 二障清淨相 法智彼所緣

自在無盡相 普偏真如智 修習證圓滿

安立衆生二 諸種無盡果 身語及心化

善巧方便業 定及總持門 無邊二成就

自性法受用 變化差別轉 如是淨法界

諸佛之所說

時薄伽梵說是經已妙生菩薩摩訶薩等諸大聲聞世間天人阿素洛等一切大衆聞佛所說皆大歡喜

信受奉行

佛說佛地經

百千印陀羅尼經

唐于闐三藏實叉難陀譯

如是我聞一時佛在王舍城耆闍崛山中與大比丘衆及無量菩薩俱爾時世尊告諸比丘有陀羅尼名百千印當共受持誦此呪時應先歸命金色廣顏光明幢佛釋迦牟尼佛卽說根本陀羅尼曰

怛姪他一唵二菩提菩提菩提菩提三薩婆怛他

揭多瞿折囉四駝囉駝囉五訶囉訶囉六鉢囉呵囉七莫訶菩提質多八注盧注盧九設多曷

審彌珊招地低十薩婆怛他揭多地瑟他長聲阿毗瑟

78910123456789201234567893012345

低十具樽具那鉢底

十一

勃陀具那婆娑

十二

聲下去嘶

十三

蔑

十四

嚩

十五

嚩蔑嚩四伽伽那怛嚩

十六

薩婆怛他揭多地瑟恥低

十七

薩婆播波鉢囉睞摩寧

十八

薩婆播波毗戍達寧

十九

虎

盧虎盧菩提末伽三鉢囉嘶替低

二十

薩婆怛他揭多鉢囉

薩婆怛他揭

多鉢囉底瑟恥多戍提薩婆

二十一

爾時世尊復爲大衆說心呪曰

唵

薩婆怛他揭多吠婆盧吉帝

二十二

社耶社耶薩婆

二十三

爾時世尊復更宣說隨心呪曰

唵

薩婆怛他揭多吠婆盧吉帝

二十四

社耶社耶薩婆

二十五

唵虎盧虎盧

二十六

社耶目候薩婆

二十七

訶

二十八

若有比丘比丘尼優婆塞優婆夷及餘淨信善男女等造塔之時書此陀羅尼句置於塔中便得具足造百千塔殊勝功德無異時諸比丘天龍八部一切衆會聞佛所說歡喜奉行

百千印陀羅尼經

7 8 9

10 1 2 3 4 5 6 7 8 9

20 1 2 3 4 5 6 7 8 9

30 1 2 3 4 5

6 7 8 9 10 1 2 3 4 5

莊嚴王陀羅尼呪經

唐三藏法師義淨奉制譯

如是我聞一時薄伽梵在布怛洛迦山爲諸人天一切大衆演說法要徧觀十方以妙音聲告觀自在菩薩妙吉祥菩薩言善男子有經名一切如來所護觀察衆生示現佛刹莊嚴王陀羅尼我昔初發心時於華光顯現如來所與九十俱胝衆生一聞此法皆得如來智慧之分我蒙授記於諸佛刹當得作佛我亦於中蒙佛授記善男子我以佛眼觀見過去三萬如來爲諸衆生說此法要汝觀自在及妙吉祥於說法

時皆爲導首爾時世尊說是語已現前大衆菩薩聲聞諸來聽者咸發信心供養彼佛于時無量百千俱胝那庾多衆生皆蒙授記亦得菩薩勝妙等持病苦悉除蓋纏消滅所願滿足善根成就顏容端正財寶豐盈國王大臣諸衆生類見者歡喜念慧神通無不圓備於佛法僧得不壞信壽命色力有大威勢無愛別離然憎會苦若有善男子善女人等能於此經五輪著地生希有心以諸華香瓔曼幡蓋恭敬供養歸依讚歎讀誦受持若自書寫若教人書無量功德皆悉成就見受持者生信敬心亦於現身衆德具足皆

得菩薩勝妙等持口中恒出栴檀香氣其目皎淨如青蓮葉於晝夜中見佛形像及大菩薩若有五無間等業障之罪悉皆消滅諸天衛護命終之時得見諸佛菩薩心不錯亂必得往生極樂國土我與斯人授記作佛彼見我身恭敬供養於妙菩提心不疑惑若復有人於此法門讀誦受持供養恭敬若自書寫若教人書及有得聞此經名者當知此人即是菩薩應修供養若復此人由先惡業財命色力內外所資悉皆短乏所求不遂親愛別離國土荒殘王賦衰難由此經力現身輕受或暫頭痛或得惡衣惡食或遭罵

誓及餘毀辱彼諸業障卽自消除善男子彼持經之人應生此念我昔流轉生死海中於諸有情造作衆惡不善之業日夜增長今時覺了不敢覆藏發露罪源誠心懺悔於佛法僧起不壞信若復彼人曾於佛法僧寶獨覺聲聞父母師長作諸惡業衣食果報皆當散盡由經力故此業咸除衣食充足若復彼人有捺洛迦受苦之業愛別離苦生盲之苦無根二根異熟之業亦皆消滅又復彼人由先嫉妒瞋恚惡業之力當墮琰摩王界傍生餓鬼諸惡趣中由經力故所有惡業無不消滅一切福德悉皆增長善男子若於

方處有此法門彼諸人等常爲此經之所擁護功德具足所求圓滿恒受富樂惡業消除亦無橫死及諸惡夢無有病苦鬪戰常勝壽命延長色力具足有大威勢一切世間人及天龍諸鬼神等皆隨意轉不遭惡毒水火灾橫乃至由持神呪力故常蒙諸佛之所授記若善男子善女人得聞如是神呪受持讀誦若自書若教人書恭敬供養彼善男子善女人皆獲如前所說功德爾時世尊說此語已大地忽然六種震動此諸大眾以妙華香塗香鬘蓋勝妙衣服奉上世尊同聲唱言善哉善哉我等云何得聞如來所說神

呪爾時世尊卽說呪曰

南謨薩婆怛他揭多喇一但姪他二勃睇三蘇勃睇

四盧迦毗盧計五盧迦伐底羯囉帝六薩埵阿伐盧

羯泥七去聲薩婆怛他揭多阿提瑟恥帝八薩埵阿奢

鉢喇晡喇泥九去聲聚丁達嚙十捺羅提婆布侍帝十

咱他揭多慎若那達睇二咱他揭多阿提瑟侘泥娜

三薩婆盧迦速企婆跋覩四薩婆羯磨鉢喇釵邪野

五麼麼阿木羯寫自解已名十六薩婆薩埵難者七曷洛又

婆跋覩八咱他揭多阿提瑟侘泥娜九莎訶二十但

作字者皆可謂古道之

善男子此之神呪乃是三萬如來之所宣說共所加
護我今亦復說此神呪爲欲利益一切有情令得安
樂常作擁護除其病苦生諸佛國若復有人作如是
念如佛所說神呪功德我今云何而能成就卽於晨
朝早起清淨於一切有情興大慈悲發憐愍心除諸
嫉妬憍慢瞋恚恭敬一心於佛像前香華飲食廣興
供養禮十方佛心祈所願誦此神呪滿一百八徧於
一一徧各呪一華以一華供養於佛此人卽便隨
所願求悉皆如意亦於夢中得見諸佛臨命終時觀
佛菩薩捨身之後必得往生極樂世界壽命色力悉

78910123456789201234567893012345

皆具足一切怨讐並生歡喜說此呪時六萬有情得
無生法忍永除諸障所願滿足

爾時世尊說此經已觀自在菩薩妙吉祥菩薩一切
大眾聞佛所說歡喜奉行

莊嚴王陀羅尼呪經

香王菩薩陀羅尼呪經

唐三藏法師義淨譯

南謨曷喇怛娜怛喇夜引也一南謨阿離耶跋盧吉
祇說囉引也二菩提薩埵引也三莫訶薩埵引也四
南謨健陀引羅曷囉社引也五菩提薩埵引也六
訶薩埵引也七伊只拔八彌只拔九漠底丁里
十薩婆頰他上聲十一娑引彈你三迦利沙般拏引十
錦謎引十一鉢咧拽叱十二莎引訶引十七

此陀羅尼呪須志心誦十萬徧然於觀世音像前作
四肘方壇取華等名香供養夜用淨牛酥然燈莫令

斷明其夜半呪師須起著淨潔衣應好裝束像前誦此陀羅尼一千八徧至曉須了不得惛睡其日呪師自有人送錢財等物更若別求大事須畫香王菩薩於絹帛上其畫匠不得過中食須受八齋戒其畫像法任其大小身肉皆白面貌端正頭戴天冠頸有瓔珞右臂垂下五指皆伸施無畏手其五指端各兩甘露施於五道衆生手下并畫黑鬼三五箇左臂屈肘手當左嫗以把蓮華其華從脚下蓮華生出其華白紅色足下蓮華亦白紅色項背圓光上有傘蓋五色錦綺以爲衣服兩重珠條絡於髣上一赤色一黃色

其像當日須成不得用皮膠像前燒香誦十萬徧一日一夜不食先須作一大水方壇訖然卽以栴檀磨之作十二指小方壇八箇初以三壇一用供養佛一用供養法一用供養僧第四壇供養阿彌陀佛第五供養觀世音菩薩第六供養大勢至菩薩第七供養香王菩薩第八供養諸善神等皆取好淨食果子香華四邊安置其法隨以何月十四十五日作然取閻帝華

此云
莊華

一千八莖誦一徧擲像身臍上作法以後每夜半須起像前常誦一千八徧至自有人送錢財其錢財亦不得積聚慳貪卽須用度及施貧乏此

是香王菩薩法

復次有一別行要略法

持呪之法行者洗浴著新淨衣受八戒齋結淨一如壇法依次第而布供養散華燒香然燈從夜半起在壇內端坐誦呪一千八徧須簷葡萄一千八莖誦呪一徧擲一莖華著菩薩身上當誦呪之時不用聞鳥鳴聲用三白食解齋燒安息香供養日別濾水香湯洗浴別著衣裳大小行來皆須洗淨平旦夜半入壇之時須嚼楊枝然後入壇一心誦呪莫思量外事卽見神驗光明見驗卽休不見光亦有動相所行之處

大獲果報持呪之法不得破戒身亦不得近觸著女人觸著女人者卽無驗

香王菩薩陀羅尼呪經

休寧縣竹林信士汪高明同室人戴氏率男文順文升敬刻
辛丑秋七月寂照板頭銀重刻

爾時佛告毗舍佢何緣晨朝而來至此毗舍佢母白
佛言世尊已聞如來先所略說甚深難解無上之法
名曰優婆夷淨行惟願世尊哀愍我等廣演分別微
妙法相令我等輩聞此已當來長夜安隱快樂天上

優婆夷淨行法門經卷上

出安公涼土錄失譯師名

修行口口第一

如是我聞一時佛住舍衛國彌伽羅母弗婆羅園歡喜殿中於是毗舍佢母與千五百清信優婆夷來詣

78910123456789201234567893012345

人中乃至菩提佛語毗舍佉母善哉善哉善女人汝於往昔無量劫中常樂聞法與諸眷屬曾於我所貪求廣說毗舍佉母聞佛所說往昔因緣歡喜踊躍而白佛言世尊惟願如來爲我宣說令得開解佛告毗舍佉諦聽諦聽我當爲汝分別略說善女人過去久遠無量劫中爾時有國名波羅柰王號梵與其王夫人名跋陀羅王有一女名曰蓮華形貌端正稟性儒賢聰慧明了志樂多聞精勤勇猛常修善行於世技藝善能通達恒爲父母之所愛重爾時雪山有一梵志名那羅駄勤修梵行得五神通恒爲大衆廣說諸

法名聞遠徹流於四方爾時女從善友所聞讚於梵志神通如是功德難量常爲大衆宣揚妙法心生歡喜便自念言善人難見法亦難聞身命難保是故我今宜應遠往禮拜問法作是念已往父母所而自啓曰聞人稱歎梵志修行道德巍巍惟願父母聽許我等往詣梵志聽受法味父母答言汝今年幼生長深宮稟性柔軟初未曾出雪山懸遠路險艱難汝今云何當能到彼吾國多有耆舊梵志神智無二善能宣說甚深妙法我當爲汝請入宮內講論道法恣汝所聞勿須去也女又請曰波羅柰國耆舊梵志皆悉尊

重推其道術惟願聽許得聞法要王以愛念不違其願勉而許之爾時父王卽勅四臣及宮中姝女莊嚴供養皆使具足臣白王言大王所勅皆悉已辦於是王女心自念言我求聽法今正是時便與宮中姝女眷屬千五百人齋持香華往詣梵志而便聽法佛告毗舍佉爾時王女者汝身是也雪山梵志者卽我身是汝於往昔曾求廣說今亦如是我當爲汝分別演說淨行法門毗舍佉母白佛言善哉世尊如來大慈哀愍衆生願爲解說我當修行佛告毗舍佉汝等諦聽我今爲汝廣演分別優婆夷淨行法門如是法者

乃是諸佛之所護念汝今應當精勤修學毗舍佉若善女人捨惡知識親近善友應供養者而供養之是則名爲優婆夷淨行宿因所感處好國土善安置身亦名淨行供養父母奉侍夫主瞻視兒息亦名淨行勿於小罪而生輕想所應作者次第作之亦名淨行常樂布施修習作法愛念親友亦名淨行遠離飲酒不爲衆惡常修愛語亦名淨行多聞技藝善學威儀研尋所聞不令廢忘亦名淨行恭敬尊重少欲知足受恩能報亦名淨行不爲八法之所動轉顏貌怡悅亦名淨行心不憂惑常得安隱若能如是一切無退

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

衆務休息亦名淨行能於善法不生懈怠疾證無上
解脫涅槃亦名淨行忍辱隨語樂見沙門身行正直
猗於大蔭亦名淨行能以智火燒滅煩惱具足善法
勇猛無退亦名淨行不毀謗人不行杖楚善護諸根
攝心不亂亦名淨行直心不貪常樂靜處精勤修習
永無退轉亦名淨行於菩提道進而不退厭惡三界
猶如死屍深觀如此亦名淨行心常樂捨難捨之身
善能護持難持禁戒樂修禪定而不散亂亦名淨行
無量衆生於菩提道而生退想而我能進一切進者
而我今退行住亦爾是名淨行一切衆生燒滅善根

而我生之人所樂生我今滅之生死無極我得其邊
亦名淨行毗舍佉母聞佛所說歡喜踊躍得未曾有
而白佛言世尊優婆夷法門復有幾行佛告毗舍佉
有十行法汝應修學何謂爲十一者見慳貪過樂修
行施二者見五根過樂持禁戒三者見在家過樂欲
出家四者見疑惑過樂修智慧五者見懈怠過樂勤
精進六者見瞋恚過樂行忍辱七者見妄語過而樂
忠信八者見亂心過常樂禪定九者見罪苦過而樂
慈悲十者見苦樂過樂行捨心爾時世尊欲重宣此
義而說偈言

從施得大富 能捨所愛身 離欲樂出家

持戒攝諸根 修學得智慧 精進斷懈怠

忍辱除瞋恚 實語不虛妄 若遇世八法

安住心不動 心常樂禪定 永無有散亂

慈悲利衆生 修捨離苦樂 若能行此法

是名大勇猛 得度法海岸 而證菩提道

毗舍佉母聞佛所說心生歡喜白佛言世尊初有幾事應當遠離復有幾法應當親近佛告毗舍佉有五十八法應當修學亦應遠離何謂也謂離一切不淨之法親近淨法應離惡法親近善法不應育養不將

養之不應往處勿往親近所應往者即便應住不應作者終不妄作所應作者方便應作非法求得不應用之如法而得應當受用善調身心常樂靜處捨離欺誑行於正語厭離懶惰樂行精進善攝諸根不令放逸先意謙敬捨於貢高常行忍辱不生瞋恚自不諍訟善和合衆捨不覆藏住於覆地捨無義語住於義語捨於邪命正命自活善能量身受於飲食不樂多求住於少欲捨於剛強住調柔地修習軟語遠離麤言捨不安樂住安樂處捨不同見共等類住捨無間處往詰問處厭離三界住不樂三界捨一切作住

無所作捨於我見修學空法毗舍佞性此五十八初法
如是汝應修行爾時世尊重說偈言

若一切所學 初後無有餘 應遠離親近
已作得安樂 一切法學已 所願皆具足
捨愛身命故 而證無上道 若有如是學
於淨行法門 非聲聞緣覺 亦非證菩薩
於無量劫中 稱歎其功德

佛說偈已毗舍佞性大歡喜更增上問世尊重淨行
法門復有幾種名爲大行佛言有三大行汝應修行
何者名三大行一者大信心二者大精進三者大智

慧世尊云何大信心佛言大信心者信佛是佛是婆
伽婆阿羅訶三藐三佛陀明行足善逝世間解無上
士調御丈夫天人師佛世尊是名大信心何者大精
進若能於中成精進行一切惡法棄捨遠離一切善
法應當攝取於善法中勇猛不息是名大精進何者
大智慧若人以智慧眼見生滅法聖人所度無常若
盡是名大智慧是則名爲三種大行爾時世尊重說
偈言

共大信心 深著不離 諸行具足 而求菩提
共大精進 堅固難捨 勤修已滿 而求菩提

卷之六

究竟明了

具波羅蜜

而求菩提

初法增已

知大名聞

增長盡已

隨所修行

以此知故

解過人法

卷之三

1

佛說偈已毗舍佞性心生歡喜更增上問世尊優婆夷淨行法門進趣佛地復有幾行佛告毗舍佞性有四行而取佛地何謂爲四一者翹勤精進二者無惑智慧三者逝定不退四者行慈利益衆生毗舍佞性此四法進趣佛地爾時世尊重說偈言

翹勤樂精進 智慧無迷惑 逝定不退轉
行慈利衆生 以此四法故 而證薩婆若

佛說偈已毗舍佉母心自歡喜更增上問世尊復於
幾法安住得觀云何法集無有分散初合法者復有
幾事佛告毗舍佉於四法中安住得觀謂慈悲喜捨
其中法集無有分散謂得聲聞智辟支佛智薩婆若
智佛初合法者有三十二觀法所謂念佛念法念僧
念戒念施念天阿那念般那念觀滅想觀身想觀寂
靜想觀地水火風想觀青黃赤白想觀虛空想觀識
處想觀胖脹想觀臭穢想觀穿漏想觀爛壞想觀處
處分散想觀骨肉縱橫想觀骨濕想觀白骨色想觀
一切無常想觀一切法無我想是名三十二觀法四

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

無量心是名安住得觀聲聞智辟支佛智薩婆若智
佛智是名法集無有分散爾時世尊重說偈言

若以下觀得聲聞智 善修中觀 得緣覺智
上觀滿足 得菩提智

佛說偈已毗舍佞性大歡喜更增上問世尊於不
淨法門云何心住疾離煩惱通達六門佛告毗舍佞性
有三十二法門於不淨中心所樂住疾離煩惱便通
六門何者三十二法門謂身中有髮毛爪齒皮肉筋
骨肪膏髓腦心腎肝膽大腸小腸脾肺肚胃膿血痰
汗涕唾涎淚屎尿不淨毗舍佞性三十二不淨之

觀令心樂住淨行法門疾捨煩惱得通六門爾時
尊重說偈言

猶如江流 聚入大海 於法門中 流觀亦爾

善觀麤細

淨以不淨

無上智法

佛悉通達

佛說偈已毗舍佞性大歡喜更增上問世尊前諸
菩薩於淨行法門有幾戀著住於世間不得解脫佛
告毗舍佞性淨行法門前諸菩薩有七縛著住於世間
何謂爲七一者若我得度世間未度我欲度之二者
若我得脫世間未脫我欲脫之三者若我已覺世間
未覺我欲覺之四者若我已調世間未調我欲調之

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

五者若我已安世間未安我欲安之六者若我成道
世間未導我欲導之七者若我已得涅槃世間未得
我欲令其入於涅槃毗舍佞性是爲菩薩七種戀著住
於世間不得解脫爾時世尊重說偈言

已度度衆生

已脫脫衆生

已覺覺衆生

已調調衆生

已安安衆生

已導導衆生

我已得涅槃

令衆生涅槃

三界如火宅

貪欲如泥網

一切滅斷之

而證菩提道

爾時世尊說此偈已毗舍佞性大歡喜更增上問
世尊淨行法問修幾善行一切法滿佛言修三善行

令一切法滿何謂爲三善行法一者身善行二者口
善行三者意善行此三善滿令一切法滿所謂得布
施滿得持戒滿得出家滿得智慧滿得精進滿得忍
辱滿得真實滿得誓願滿得慈悲喜捨滿得四恩滿
得四定滿得四神足滿得五根滿得五力滿得七菩
提滿得八正道滿得九智滿得十力智滿得須陀洹
道智滿得須陀洹果智滿得斯陀含道智滿得斯陀
含果智滿得阿那含道智滿得阿那含果智滿得阿
羅漢道智滿得阿羅漢果智滿得四智滿所謂法智
未知智名字智他心智滿得盡智滿得無生智滿得

78910123456789201234567893012345678945

雙神力滿得大慈三昧智滿得一切智滿得無礙智
滿毗舍佞性是名修三善行滿令一切法滿爾時世尊
而說偈言

修三善行已 一切法皆滿 滿一切法已
而證菩提道

佛說偈已毗舍母心大歡喜更增上問世尊淨行
法門有幾大人念佛言有八大人念何謂爲八大一者
少欲非不少欲二者知足非不知足三者寂靜非不
寂靜四者遠離非不遠離五者精進非不精進六者
禪定非不禪定七者智慧非不智慧八者無礙非不

無礙毗舍母是名八大人念爾時世尊重說偈言
善定諸念 念非善法 若毀此念 而生厭離
善定諸念 念非善法 觀練法相 得進無上
修學品第二

佛說偈已毗舍母心大歡喜更增上問世尊初學
菩薩於淨行法門云何修學而得菩提佛言初學菩
薩有五十修學而得菩提何者五十所謂深入法性
不捨不減不墮不退修學捨心修學多聞修學威儀
修學降伏衆魔修學光明修學佛相好修學禁戒修
學三昧修學波若修學大波若修學善行修學大善

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

行修學色相修學無二語修學如意足修學上如意足修學大如意足修學妙如意足修學意行修學已意行修學大意行修學佛所王領修學自在修學已心相修學滿心相修學神通修學大神通修學真實修學王領正法令得久住修學至極處修學佛刹土修學佛壽命修學菩提樹修學蓮華修學佛說法修學大法輪修學轉法輪修學善知識修學不捨衆生修學手圓滿修學劫波樹衣修學師子座修學右脅臥牀修學佛所食味修學毗羶闍修學如來水相毗舍佉是爲五十學法初行菩薩應當修學深入不捨

不減不墮不退汝應當知爾時世尊而說偈言

一切行具足 而求寂靜法 光明照佛刹

爲慈衆生故 引導諸衆生 得度三界難

一切法無窮 如來已到彼

爾時世尊說此偈已毗舍佉母心大歡喜更增上問世尊如來有幾光明初學菩薩云何修行佛告毗舍佉如來有六種光明何謂爲六一者青光二者黃光三者赤光四者白光五者紅光六者光色照明毗舍佉是名如來六種光明初學菩薩云何修行得此光明毗舍佉菩薩爲得青光明故恒以青華青塗香末

78910123456789201234567893012345

香青疊青寶而以供養若入禪定常觀青色作已而願當來之世願得青光云何菩薩修學黃光恒以黃華黃塗香末香黃疊黃寶而以供養若入禪定常觀黃色作已而願當來之世願得黃光云何菩薩修學赤光恒以赤華赤塗香末香赤疊赤寶而以供養若入禪定常觀赤色作已而願當來之世願得赤光云何菩薩修學白光恒以白華白塗香末香白疊白寶而以供養若入禪定常觀白色作已而願當來之世願得白光云何菩薩修學紅光恒以紅華紅塗香末香紅疊紅寶而以供養若入禪定常觀紅色作已而

願當來之世願得紅光云何菩薩修學光色(照)光明恒以光明華光明塗香末香光明疊光明寶而以供養若入禪定常觀光明作已而願當來之世願得光明照曜毗舍訥是名菩薩修學如來六種光明爾時世尊而說偈言

佛光有六種 青色黃色光 赤白及紅色
光相最照明 若有智慧人 常當勤修行
若樂妙色光 應學廣大行 華香燈供養
恒施無上尊 修學六種行 所願皆成就
佛說偈已毗舍訥母心大歡喜更增上問世尊大人

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

之相凡有幾種初學菩薩云何修學佛言大人之相
有三十二菩薩所修有二十行與大人相合得成二
道無有餘也何謂二道若在家者得作轉輪聖王王
四天下降伏諸國七寶隨從一金輪寶二白象寶三
白馬寶四摩尼寶五玉女寶六藏臣寶七王兵寶復
有千子勇健威猛能伏怨敵盡大海際以法降伏不
用兵杖若出家者得成爲佛天上人中最尊第一具
三十二大人之相何者三十二相所謂身黃金色圓
光一尋猶如融金梵身方直項後日光頂有肉髻其
髮紺青佛身圓滿如尼俱律樹眉間毫相如兜羅綿

上下俱珣目暎紺青舌能覆面梵音八種如迦陵頻
伽聲口四十齒齒白齊密師子頰皮膚細薄不受塵
垢一一孔一毛生紺色細軟皆起右旋師子臆胷有
卍字七合處滿手足合縵網指纖長手內外握立手
過膝陰馬藏脚膚直鹿腨腸奩底相干輻輪足跟長
是名三十二大人之相身毗舍佞性者二十事修大
人相如來往昔作凡人時於善法中成就堅固不易
受持身作善行口爲善行心念善行一切布施與衆
生共堅持禁戒恒住布薩供養父母沙門婆羅門者
舊宿德六親眷屬於諸善法皆悉行已修集滿足積

聚高廣生死無量乃至一生補處如意自在常受天樂壽命色力王位名聞色聲香味觸受天樂已下生人間得大人相成足下平蹈地皆著舉足俱上脚跡隆起猶如龜背以此相故若在家者得作轉輪聖王若出家者得成阿耨多羅三藐三菩提永斷生死得常樂涅槃內外怨家梵魔沙門婆羅門所不能壞是名爲佛爾時世尊重說偈曰

於諸法調柔 恒持齋禁戒 布施心平等
深觀無常法 一切所行業 堅固心受持
以此行業故 常生天人中 受天上樂已

| | | |
|----------------------|-------|-------|
| 還生於人中 | 受世間福報 | 而得足下平 |
| 踏地皆悉著 | 隨踏地起迎 | 若在家出家 |
| 皆有如是相 | 若梵天魔王 | 沙門婆羅門 |
| 一切諸怨家 | 皆悉已降伏 | 出家行學道 |
| 斷絕生死原 | 衆行已滿足 | 得成無上尊 |
| 復次毗舍佉云何修行千輻輪相如來往昔作凡人 | | |
| 時荷負衆生除其恐怖施無畏樂凡所布施悉共衆 | | |
| 生積業高廣不可稱計於此命終往生天上常受妙 | | |
| 樂如是展轉無量無邊下生世間得大人相足下千 | | |
| 輻輪輪相具足如真金輪得此相已若在家者作轉 | | |

7 8 9 10 12 3 4 5 6 7 8 9 20 12 3 4 5 6 7 8 9 30 12 3 4 5

輪聖王王四天下七寶隨從常爲沙門婆羅門居士大臣長者及諸四兵之所圍繞若出家者得成爲佛大衆圍繞比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽等恭敬尊重爾時世尊重說偈言

我於無量世 展轉三界中 荷負衆生樂
爲除怖畏處 善護不休息 以此功德業
常生人天中 至一生補處 兩足千輻輪
光曜如金輪 千行業所感 記成人中尊
得大衆圍繞 降伏諸魔怨 若獲刹利種

得成轉輪王 若出家學道 得成無上尊
天人阿脩羅 摩睺羅伽等 四足及非人
皆恭敬供養 名聞滿十方 衆生良福田
復次毗舍佢云何修行三大人相如來往昔作凡人
時不害衆生捨殺生想不行杖楚一切器仗悉不畜
之恒生慙愧修習慈悲積業高遠不可思議生死無
量乃至一生補處下生人間得三大人相一者足跟
長二者指纖長三者梵身圓直以此相故記壽命長
現久住相亦護壽命終不中夭若出家者得成爲佛

來壽命爾時世尊而說偈言

一切畏死怖刀仗 以已爲喻勿行杖

是故遠離不思念 以此善行生天上

受天果報無量樂 壽盡下生得三相

指足跟長梵身滿 安置地上如金龜

柔軟纖長如金杵 身體光曜如須彌

三相記成天人尊 亦表如來壽命長

復次毗舍佉云何修行七處滿相如來往昔無量劫
中作凡人時恒作施主餚饍飲食種種甘果香美諸
漿勤修布施積集高廣不可稱計乃至一生補處常

受天樂下生世間得七處滿相肩頸臂脚皆悉圓滿
以此相故若在家者得作轉輪聖王世間上味具足
而得若出家者得成爲佛所受飲食於天上人間味
中最上爾時世尊而說偈言

食噉舐嘗無上味 施主恒修如是行

以此善行無有量 難陀園中受快樂

業報一生下世間 得大人相七處滿

手腳柔軟無有比 以此相故得上味

在家出家皆如是 超過如來永斷三界漏

是故得成無上尊

78910123456789201234567893012345

復次毗舍佉云何修行手足柔軟合縵網相佛於往昔作凡人時常以四攝攝取衆生布施愛語利益同事有所求索不違衆生積業高廣乃至一生補處常受天樂下生世間得二大人相一手足柔軟二手足合縵網以此相故若在家者作轉輪聖王攝四天下若出家者得成法王善攝一切無量衆生比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩喉羅伽人非人等爾時世尊而說偈言

修布施愛語 行利益同事 恒以四攝法
攝衆無有餘 以此行業故 常生天人中

下生於世間 得二大人相 手足悉柔軟
俱有合縵網 微妙極細薄 外黃裏紅色
以此二相故 在家轉輪王 若以善法化
一切皆順行 堅受持不犯 歡喜讚聖王
施恩無有比 慈潤於四方 若棄捨五欲
出家得成佛 爲衆生說法 聞者悉頂受
復次毗舍佉云何修行如來脚相膚直身毛旋起佛告毗舍佉我於往昔作凡人時恒以善法饒益衆生常行法施初未曾說無義之語以此業故增長廣大乃至一生補處下生世間得二大人相一脚膚直踝

骨不現二者毛端旋起以此相故若在家者得作轉輪聖王人中最尊高妙上勝於五欲中歡喜快樂七寶千子隨從侍衛若捨家業入山學道得成爲佛天上人中最尊最上無有二者一切衆生恭敬尊重爾時世尊而說偈言

恒以善法利益衆生 恒以善語教導衆生
恒以善力將侍衆生 歡喜快樂 恒行法施
無有嫉妒 以此業故 積行無量 下生人間
得大人相 一脚臍直 踝骨不現 二毛端起
悉皆右旋 若在家者 作轉輪王 王四天下

若出家者 得成爲佛 天上人中最尊最上
復次毗舍佉云何修行鹿腨腸相如來於昔無量劫
中作凡人時善勤救人一切典籍威儀工巧醫方呪
術教持禁戒悉皆具足恒自思惟云何令人善解義
趣速得通達不生疲倦厭惡之心以此業故勤積高
廣乃至一生補處常受天樂下生世間得大人相成
鹿腨腸若在家者作轉輪聖王王四天下一切所須
供養之具隨念速得若出家者得成爲佛天上人中
所須供養皆悉疾得爾時世尊重說偈言

諸典悉教學 工巧及呪術 醫方察衆疾

恒自作思念 云何令速成 於學不疲倦
展轉教餘人 以此行業故 積聚不可量
至一生補處 成大人相好 而得鹿腨腸
纖好成圓滿 皮細薄柔軟 毛起皆右旋
以此大人相 記成人中尊 在家轉輪王
所求皆速得 若出家作佛 一切諸供養
隨念悉具足

復次毗舍佉云何修行皮膚細軟不受塵垢佛於往昔作凡人時若沙門婆羅門刹利居士來至我所而問我言大德何者名善行何者名不善何者應親近

何者應遠離何者行業得受安樂何者行業而受苦惱我於往昔爲人分別是法應作是不應作是法應行是不應行是法得快樂是法不安樂以此業故積行無量乃至一生補處受天福樂下生人間得大人相皮膚細軟不受塵水譬如蓮華雖在水中水不能汙如來身相亦復如是以此相故若在家者作轉輪聖王聰明智慧於諸世間沙門婆羅門刹利居士無有及者若出家學道得成爲佛智慧廣大利疾智慧最上最勝諸天世人梵魔沙門婆羅門諸有智慧無能及者爾時世尊而說偈言

佛於無量世 凡人時修行 若有來問者
 勸教令速成 恒在出家地 善分別義趣
 以此行業故 若天人中 常行大智慧
 一生下人中 得皮膚細軟 以此相好故
 成就大智慧 若獲利種 在家轉輪王
 若不樂在家 出家得成佛 獲一切種智
 天上及人中 無有能及者

優婆夷淨行法門經卷上

音釋

翹

集堯切
舉也

脹

脹匹絳切
脹知亮切

肪

肪甫良切
脂也

腎

腎時恐切
水藏也

胃

于貴切
穀府也

羶

羶式連切
羶切

睂

睂舒闇切
目動也

瞞

瞞蒙毛切
瞞毛也

睂

睂時恐切
瞞也

兀

放吠切
無販也

于貴切
羶也

臍

丑凶切
均直也

丑凶切
均直也

臍

臍市充切
臍腸也

臍市充切
臍腸也

奮

奮力鹽切
鑑匣也

奮力鹽切
鑑匣也

跗

跗與跋同
同

跗與跋同
同

踝

踝胡瓦切
足骨也

踝胡瓦切
足骨也

欽差兩浙恤刑刑部陝西司郎中真憲時捐貲刻
優婆夷淨行法門經上卷

貴州釋性學對長洲徐普書真州劉文元刻
舊曆壬子歲秋八月徑山化城識

78 90 10 12 3 4 5 6 7 8 9 20 12 3 4 5 6 7 8 9 30 12 3 4 5

上
1. 真想讀正因良端市參也
2. 奇 盡頭水
3. 胃 大體也
4. 金滿也
5. 電 電亂也
6. 豐 亂切也
7. 于貴也
8. 豐 亂切也
9. 金也
10. 金也
11. 金也
12. 金也

優婆夷淨行法門經卷下

出安公涼土錄失譯師名

復次毗舍佉云何修行身黃金色光明照耀猶如金
山如來往昔無量劫中常樂修善不瞋恚若有衆
生惡罵捶打悉皆能忍不生瞋恚恒自慙愧生大悲
想皆是過去先業所報常自剋責復行布施柔軟鞞
毘爲摩劫貝嬌奢耶衣如是等衣恒以施人如是展
轉無量世中積功高大常受天樂下生人間得大人
相身黃金色於諸金色最上最勝以此相故若在家
者作轉輪聖王四天下於四天下若有柔軟鞞毘

敷具芻摩劫貝僑奢耶衣欽婆羅衣一切世間柔軟
之物王悉得之若出家者得成爲佛人中細軟衣服
臥具劫貝芻摩欽婆羅衣如是等物如來悉得爾時
世尊重說偈言

| | | |
|-------|-------|-------|
| 不生嗔恚心 | 恒慚愧剋責 | 布施細妙衣 |
| 上疊無價物 | 恒施與衆生 | 施已心歡喜 |
| 踊躍無惜惜 | 譬如人失火 | 出物大歡喜 |
| 積業無有量 | 生天受快樂 | 從此生人間 |
| 而得大人相 | 身體黃金色 | 猶如金山王 |
| 在家轉輪王 | 善護四天下 | 大得柔軟觸 |

一衣直千萬 若學道成佛 化天人龍神
衣服亦如是

復次毗舍佉云何修行陰馬藏相如來於過去無量
劫中作凡人時常樂修行善和合衆若與父母男女
兄弟姊妹親戚眷屬善友知識乃至畜生若有別離
樂和合者悉隨所樂善能和合令其歡喜以此業故
所積高廣常生天上受天福樂下生人間如是展轉
無量無邊至一生補處得陰馬藏以此相故記成千
子作轉輪王王四天下千子勇健能伏怨敵若出家
者得成爲佛從法生子過於千萬勇猛多力能却魔

怨爾時世尊而說偈言

我於無量世 本作凡人時 常爲和合衆

令得安樂住

若父母男女

兄弟及姊妹

親戚諸眷屬

善友知識等

若離別苦者

善和合安樂

以此行業故

常生天人中

受天上快樂

下生於人間

得陰馬藏相

現成得千子

勇健無有比

能降伏怨敵

恒供養父母

令得歡喜樂

若出家作佛

法子有千萬

戒定神通力

能摧伏魔怨

復次毗舍佉云何修行梵身圓滿如尼俱律樹立身

正直手得摩膝如來往昔作凡人時恒修弘慈善能
觀察善惡麤細等不等法此是智慧此是愚癡此是
精進此是懈怠此是瞋恚此是恐辱如是分別隨其
等類而教導之以此業故展轉無量天上人中乃至
一生補處下生人間得二大人相一者梵身圓滿如
尼俱律樹二者立身正直手得摩膝以此相故若在
家者作轉輪王王四天下財富無量金銀琉璃碑礎
碼碯珊瑚琥珀真珠等寶五穀豐熟庫藏盈溢若出
家者得成爲佛具足七財信戒施聞慧慙愧如來亦
有如是等物無量無邊爾時世尊重說偈言

我於過去世 善稱量衆生 選擇分別已
觀察悉平等 能常別衆生 隨類應施與
以此行業故 常生天人中 下生於人間
立身直不曲 兩手得摩膝 猶如尼俱樹
從地生方圓 佛身亦如是 從無量劫來
行業地所生 二相現財富 令天下太平
在家受五欲 得成轉輪王 捨五欲出家
得成無上尊

復次毗舍佢云何修行三大人相一者師子臆二者
項出日光三者肩頸圓如來過去作凡人時恒利
益衆生樂安樂住信心持戒多聞惠施財穀田宅奴
婢牛羊象馬車乘妻妾男女侍從左右眷屬親戚令
得增長以此業故常生天上下生人間得三大人相
一者師子臆二者項出日光三者肩頸圓以此相
故若在家者作轉輪王王四天下法常增長財物田
宅五穀豐熟妻子眷屬奴婢侍從善友知識一切具
足無有減少若出家者得成爲佛七財具足四部眷
屬亦無減少爾時世尊重說偈言

信心持戒 多聞惠施 奴婢象馬 牛羊田宅
妻子眷屬 善友知識 恒作善念 云何令其

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

色力安樂 得大增長 以此業故 常生天上
下生人間 得大人相 半師子臆 項出日光
肩頸圓直 三相記成 若在家者 卷屬妻子
奴婢象馬 悉皆興盛 若出家者 得成爲佛
眷屬增長 得無減法

復次毗舍佛建云何修行智有卍字如來於往昔作凡
人時不惱衆生不行杖楚亦不籠繫以此業故積行
高廣常生天上下生人間得大人相智有卍字若在
家者作轉輪王無諸疾病四時調適不寒不熱若出
家者得成爲佛亦無諸病常得調和不冷不熱身體

輕利堪入三昧爾時世尊重說偈言

不籠繫衆生 亦不行杖楚 不以諸刀杖

如害於衆生

以此行業故

常生天人中

受人上快樂

至一生補處

下生於人間

而得大人相

智字有卍數

以此相好故

無有諸疾病

若在家出家

常得受快樂

若獲刹利種

得王四天下

若出家學道

得成無上尊

純受上妙樂

復次毗舍佛建云何修行眼下紺色如青蓮華目唼捲

起紺色光明佛於過去無量劫中作凡人時恒修善

行不以惡心張眼低目棄視衆生不以欲心昞昧看之恒以喜心離瞋愛癡直視衆生以此業故常生天上受天快樂下生人間得二大人相一者眼下紺青上下俱睂二者目瞖細輒捲起纖長紺色光焰以此相故若在家者作轉輪王王四天下一切人民沙門婆羅門刹利居士妻子眷屬羣臣侍人觀視無厭若出家者得成爲佛爲諸四衆比丘比丘尼優婆塞優婆夷天人阿脩羅摩睺羅伽乾闥婆等一切衆生善心歡喜瞻仰如來無有厭足爾時世尊而說偈言

佛於過去世
本作凡人時
恒修諸善行

不以瞋恚心 張眼低棄視 亦不以愛染
欲心看衆生 眼淨離垢濁 歡喜心直視
以此行業故 常生天人中 至一生補處
下生於人間 得眼睫紺色 目如青蓮華
上下俱聰明 以此大人相 記聰明智慧
一切諸衆生 樂視無厭足 在家轉輪王
成就大智慧 七寶悉具足 能伏四天下
出家得成佛 而獲一切智

復次毗舍佛建云何修行頂有肉髻頭髮紺青如來於
過去世作凡人時於功德中恒在人前身口意業布

施持戒月修六齋供養父母沙門婆羅門親友眷屬者舊宿德復有善行不可稱計以此行故積聚無量常受天樂乃至一生補處下生人間得二大人相一者頂有肉髻二者頭髮紺青以此相故若在家者作轉輪王王四天下爲諸人民之所依憑若出家者得成爲佛爲諸四衆比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等所歸依處爾時世尊而說偈言

我於過去世修善中導首恒修持梵行
爲人所依憑命終生天上受諸天快樂

下生於人間得二大人相頂上有肉髻
頭髮鬆紺青在家轉輪王而王四天下
以五戒十善覆護於人民若出家學道
得成無上尊恒以戒定慧教授諸衆生
常爲諸天人龍神夜叉等乾闥阿脩羅
而作歸依處

復次毗舍佛建云何修行一一毛孔一毛生眉間白毫如兜羅綿佛於往昔作凡人時修不妄語捨離妄語恒修實語護持實語正心實語亦不綺語發言柔軟隨順衆生以此業故常生天上受天快樂下生人間

得二大人相一者一一毛孔一毛生其毛細軟皆起右旋不受塵水二者眉間白毫光明鮮澤如兜羅綿以此相故若在家者作轉輪王王四天下一切人民熾盛增長快樂無極若出家者得成爲佛增長比丘比丘尼優婆塞優婆夷四部眷屬無量無邊充滿世界爾時世尊而說偈言

我於過去世 恒修不妄語 口初未曾說
空誑不實語 隨順於世間 發言無過失
以此行業故 常生天人中 下生於人間
得二大人相 眉間白毫光 柔軟如兜羅

毛孔無二生 一一皆右旋 以此二相故
在家轉輪王 普王四天下 令人民增長
若捨家學道 得成大法王 教授諸天人
令正法增長

復次毗舍佢云何修行口四十齒齒白整密如來於往昔無量劫中恒修不兩舌棄捨兩舌遠離兩舌從此聞已不向彼說從彼聞已不向此說彼此聞已利益歡喜乃爲說之以此業故常受天樂下生人間得二大人相一者口四十齒二者齒白齊密以此相故若在家者作轉輪王王四天下無有盜賊眷屬清淨

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

堅固無壞若出家作佛得四部衆比丘比丘尼優婆塞優婆夷堅固受持如來法藏不爲四魔之所能破爾時世尊重說偈言

如來過去世修行不兩舌不鬪亂衆生
善能和合衆行業生天上受諸天快樂
下生於人間得二大人相口有四十齒
齒白淨齊密若獲刹利種在家王四地
王有四兵衆堅固難沮壞刹利婆羅門
常不能動轉若出家作佛四部衆亦爾
常爲諸天人所恭敬尊重

復次毗舍佛建云何修行廣長舌相出梵音聲如迦陵
頻伽聲佛於往昔作凡人時不行麤語棄捨麤語遠
離麤語恒修善語柔軟之語能入其心令其樂聞大
慈悲語不捨語弘恩語人所愛念以此業故勤積高
廣常受天樂下生人中得二大人相一者廣長舌出
能覆面二者梵音柔軟如迦陵頻伽聲令人樂聞以
此相故若在家者作轉輪王王四天下有所言說一
切人民皆悉樂聞歡喜受持若不樂在家出家學道
得成爲佛若有所說比丘比丘尼優婆塞優婆夷天
龍夜叉人非人等皆悉頂受歡喜奉行爾時世尊重

說偈言

佛於過去世 恒修作善語

不瞋亦不恚

不鬭亂麤語 常修慈悲語

決定正柔軟

如是一味語 然後乃發言

以此行業故

得舌廣長相 梵音清柔軟

如迦陵鳥聲

以二大人相 在家轉輪王 若有所言說

人民皆受行 出家得成佛 能轉無上輪

若所說妙法 天人阿脩羅 龍神夜叉等

聞者皆奉行

復次毗舍佉云何修行師子領佛於過去世作凡人

時恒修不綺語棄捨綺語遠離綺語應時而語義語
法語威儀語常住語有邊語以此業故積功無量常
受天樂下生人間得大人相師子領以此相故若在
家者作轉輪王王四天下一切人民無能伐者若出
家者得成爲佛天人阿脩羅梵魔沙門婆羅門内外
怨家無有能得伐如來者爾時世尊而說偈言

我於過去世 恒修不綺語 亦不自稱譽

及以諸雜語 斷截無義語 常修應時語

發言令喜樂 利益諸衆生 以此行業故

常受天人樂 下生於人間 成就師子領

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

在家轉輪王 威伏四天下 以此大人相
現無有伐者 出家得成佛 沙門梵魔王
大人阿脩羅 羅睺緊那羅 內外諸怨家
無有能伐者

復次毗舍佉云何修行四牙齊密白淨光明佛於往昔作凡人時捨離惡活正命自活亦不行於斗秤欺誑不以威勢橫取人物以虛偽物欺誑於人變形誑愛誑觸誑精進誑如是一切欺誑之法皆悉斷滅以此業故積聚高廣命終生天於天人中十處受樂何謂爲十一者天壽二者天妙色三者天樂四者天名尊而說偈言

聞五者天王六者天色七者天聲八者天香九者天味十者天觸是名爲十受天樂已下生人間得大人相一者齒無大小二者牙色白淨以此相故若在家者作轉輪聖王王四天下四部兵衆婆羅門衆刹利衆聚落城邑大臣長者妃后妓女及諸天子皆悉嚴淨若出家者得成爲佛亦有四衆比丘比丘尼優婆塞優婆夷天人阿脩羅乾闥婆等亦皆清淨爾時世尊而說偈言

我於過去世 捨離諸惡活 以清淨法利
修正命自活 能除衆生苦 令其得安樂

以此行業故 受天十種樂 常爲諸天人
 所尊重讚歎 娛樂快樂已 下生於人間
 積業之所感 得二大人相 齒無有麤細
 牙色光白淨 若獲刹利種 在家轉輪王
 四兵衆圍繞 清淨無垢穢 若出家作佛
 常爲諸四衆 比丘比丘尼 優婆塞婆夷
 天人阿脩羅 龍神夜叉等 清淨無垢濁
 悉恭敬圍繞

毗舍佞性是名二十修行得三十二大人之相以此相
 故莊嚴如來微妙之身復次毗舍佞性佛身復有八十

種好云何名爲八十種好一者指甲紅赤二者指甲
 隆起三者指甲滑淨四者指甲滿足五者指圓圓六
 者指纖直七者指間密八者指淨潔九者手足肥膩
 十者手足裏赤十一者手足平等十二者手足內滿
 十三者掌文深現十四者掌文端直十五者掌文纖
 長十六手足潤澤十七掌文不亂十八踝骨小現十
 九膝頭圓滿二十膝次第滿足二十一行步齊正二
 十二師子王行二十三鶩王行二十四龍王行相二
 十五牛王行相二十六行不顧視二十七行步不亂
 二十八半身正直二十九佛身過人三十一切滿足

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

三十一佛身皆好三十二身體平正三十三身體滿足三十四身體正直三十五身體滑澤三十六身次第大小三十七身體淨潔三十八身體柔軟三十九身體寂靜四十身體緊細四十一身體緊密四十二身體端嚴四十三諸根方正四十四身色不黑四十五身體無壓四十六身毛淨潔四十七腹相團圓四十八腹無橫文四十九身體明淨見諸色像五十臍深五十一臍孔團圓五十二臍文右旋五十三臍孔不凹五十四臍口不長五十五臍口不短五十六臍毛下連五十七得龍牙相五十八牙不過脣五十九

四牙圓圓六十四牙鋒利六十一四牙纖長六十二四牙齊密六十三舌廣柔軟六十四舌色赤好六十五梵聲深妙六十六象王聲六十七迦陵頻伽聲六十八齒根肉滿六十九鼻不下垂七十鼻高脩長七十一鼻孔淨潔七十二鼻脩方廣七十三目殊廣大表裏滑淨七十四眼睛黑光七十五目睫次第七十六眉如半月圓廓脩長七十七眉毛黑澤長短隨次七十八眉毛純色滑淨光明七十九耳皆垂垂內外俱淨八十頭髮細軟右旋不亂次第纖長一切皆好毗舍佞性名如來隨相之好有八十種爾時世尊而

說偈言

長夜受持 一切禁戒 無量苦行 名大梵志
三十二相 八十隨好 瑰珞其身 天人中尊
光明赫烈 照曜無極 青黃赤白 更相入間
宛轉旋起 徧滿虛空 放大光明 照無量界
中光照曜 三千世界 如來常光 照於一尋
若放大光 日月隱蔽 猶如日出 衆星不現
若放中光 照於世界 日光如月 月色如星
萬行所感 得如是身 爲諸衆生 之所樂見
歡喜瞻仰 無有厭足

瑞應品第三

爾時世尊說此偈已毗舍佢母歡喜踊躍而白佛言
世尊菩薩處胎初生之時有幾奇特微妙之相現於
世間佛告毗舍佢菩薩生時有十六種奇特瑞相何
謂十六種相所謂菩薩捨兜率天身憶念分明而處
母胎是爲一未曾有奇特之法菩薩捨天身已處胎
之時自然光明照於世間世界中間幽冥之處日月
星光所不能照悉皆大明其中衆生各得相見咸作
是言此中云何忽生衆生一切世間梵魔沙門婆羅
門所有光明無能及者又復三千大千世界六種震

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

動諸須彌山震動不停是爲二未曾有奇特之法菩薩處胎有四天子執持威儀四方侍衛守護菩薩及菩薩母不令世間人非人等之所惱害是爲三未曾有奇特之法菩薩處胎能令其母自然持戒不殺盜婬妄語飲酒是爲四未曾有奇特之法菩薩處胎其母清淨無有欲心外人見之亦不生染是爲五未曾有奇特之法菩薩處胎常令其母大得利養色香味觸自然而至是爲六未曾有奇特之法菩薩處胎母常安樂無諸疾病飢渴寒熱疲極之患菩薩亦然菩薩胎中母常見之譬如真摩尼毗琉璃寶八楞清淨

内外明徹一切具足以五色縷而以貫之明眼之人執在手中見珠八楞及五色縷青黃赤白了了分明菩薩處胎亦復如是母見其身頭目手足一切身分悉皆無有障礙是爲七未曾有奇特之法毗舍佉菩薩生七日已其母命終生兜率天受天快樂是爲八未曾有奇特之法凡人受胎或九月日或至十月而便產生菩薩不爾要滿十月然後乃生是爲九未曾有奇特之法世間女人臨欲產時身體苦痛或坐或臥不安其所然後乃生菩薩生時其母安樂無諸疾惱歡喜遊戲舉手立生是爲十未曾有奇特之法菩

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

菩薩出胎天人承接後爲世人之所捧持是爲十一奇特之法世人受已有四天子捧接敬受置於母前心大歡喜俱發聲言善哉夫人生大威德勇健之子是爲十二奇特之法菩薩初生無有水血及以胎膜諸不淨物其身清淨如摩尼珠以加私國疋而以裹之不相染著何以故彼此淨故菩薩初生亦復如是清淨無染如摩尼珠其母鮮淨亦如彼疋是爲十三奇特之法菩薩生時於虛空中自然而有二飛流水一冷一暖浴菩薩身是爲十四奇特之法菩薩生已北行七步爾時空中自然白纓覆菩薩身行七步已徧

觀十方發師子吼唱如是言一切世間惟我爲上天人中尊我爲最大從此生盡無復後生是爲十五奇特之法菩薩生時於三千大千世界一切衆生蠕動之類皆大歡喜是爲十六奇特之法毗舍佛建是名如來處胎初生有十六種奇特之法爾時世尊而說偈言

兜率天命終 下生於人間 處胎及初生
清淨無所染 十六種奇特 微妙未曾有
胎中及生時 不與衆生共 生時無迷惑
名聞最第一 現相非一種 佛生瑞如此

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

爾時世尊說此偈已毗舍佉母心大歡喜更增上問
世尊菩薩生時有幾瑞相一時俱現佛告毗舍佉菩
薩生時有三十二瑞相一時俱現何謂三十二瑞一
者三千大千世界地大震動自然大明光照世界二
者一切樂器自然音樂三者不鼓自鳴四者一切繫
縛自然解脫五者一切怨家皆生慈心六者一切疾
病自然除愈七者生盲得眼能見諸色八者生聾得
耳能聞音聲九者生跛能行隨意遊戲十者生狂得
念憶想分明十一者瘡瘍能言十二者乘船漂落還
得本處十三者地及虛空所有七寶自然光明十四

者衆川萬流停住不行十五者一切飛鳥有翅之屬
歡喜而住十六者風不動搖一切寂然十七者一切
衆生相噉食者皆生慈心十八者一切諸天還其宮
殿嬉笑快樂十九者阿鼻地獄猛火自滅二十者飢
得飽滿二十一者一切餓鬼無有渴乏二十二者於
四天下普興大雲等注大雨二十三者月光明曜二
十四者衆星晝現二十五者日盛清明二十六者一
切華樹即便生華二十七者一切果樹自然成果二
十八者三千大千世界出大天香無有臭穢二十九
者菩薩生時卽行七步三十者虛空白緻自然蔭覆

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

三十一者行七步已顧視十方三十二者作師子吼
毗舍佞性是名菩薩初生之時三十二法一時俱現毗
舍佞性母白佛言世尊菩薩生時以何因緣震動三千
大千世界佛告毗舍佞性菩薩生時地大震動者菩薩
現此生盡無復煩惱一切衆生應得道者煩惱將滅
是故地動毗舍佞性菩薩生時自然光明照世界者菩
薩爲得三達智故毗舍佞性菩薩生時世間樂器自然
鳴者菩薩爲得入三昧故毗舍佞性菩薩生時不鼓自
鳴者菩薩爲欲擊大法鼓故毗舍佞性菩薩生時一切
繫縛自然解脫者菩薩爲欲度脫一切衆生老病死

故毗舍佞性菩薩生時一切怨家生慈心者菩薩爲得
四無量心故毗舍佞性菩薩生時疾病除愈者菩薩爲
欲減除一切煩惱病故毗舍佞性菩薩生時盲得眼者
菩薩爲得聖智眼故毗舍佞性菩薩生時聾得耳者菩
薩爲得聖天耳故毗舍佞性菩薩生時跛能行者菩薩
爲得四神足力故毗舍佞性菩薩生時狂得念者菩薩
爲得安那般那念故毗舍佞性菩薩生時症能言者菩
薩爲得通達如來所知法故毗舍佞性菩薩生時漂船
還者菩薩爲得八正道開示衆生故毗舍佞性菩薩
生時地及虛空七寶光明者菩薩爲得四無礙智故

毗舍佉菩薩生時衆川萬流住不行者菩薩爲得煩惱四流已停住故毗舍佉菩薩生時一切飛鳥歡喜住者菩薩爲破諸邪見故毗舍佉菩薩生時風不動搖者菩薩爲得常樂滅盡三昧故毗舍佉菩薩生時衆生相噉生慈心者菩薩爲得四部眷屬尊卑貴賤得和合故毗舍佉菩薩生時諸天還宮喜笑住者菩薩成佛時諸善男子及善女人出家學道得阿羅漢所作已辦斷絕三界生死之源棄捨重擔無爲無欲常樂靜處熙怡喜笑各相謂言我等今者已得度脫生老病死更不受胎處於生死清淨無染猶如水清

在蓮荷上無所染著毗舍佉菩薩生時阿鼻地獄猛火滅者菩薩爲欲滅除衆生三毒煩惱熾然火故毗舍佉菩薩生時飢得飽滿者菩薩爲得身念三昧故毗舍佉菩薩生時餓鬼渴乏無渴乏者菩薩爲得解脫水故毗舍佉菩薩生時大雲注雨者菩薩爲欲雨大法雨普潤衆生故毗舍佉菩薩生時月光曜者菩薩成佛時爲諸衆生歡喜瞻仰故毗舍佉菩薩生時衆星晝現者菩薩成佛時爲令聲聞弟子現於世間故毗舍佉菩薩生時日光赫烈者菩薩爲得六通大聲聞故毗舍佉菩薩生時華樹生華者菩薩爲令聲

聞弟子得解脫華故毗舍佞性菩薩生時果樹生果者
菩薩爲令聲聞弟子得四沙門果故毗舍佞性菩薩生
時大千世界出天香者菩薩爲得如來戒香徧滿世
間故毗舍佞性菩薩生時蹈地七步者菩薩爲得七菩
提道故毗舍佞性菩薩行時白繖蔭覆者菩薩爲得涅
槃蔭故毗舍佞性菩薩行已示東方者爲諸衆生作導
首故毗舍佞性南方者爲諸衆生作良福田故毗舍
佞性示西方者我生已盡是最後身故毗舍佞性北方
者於一切衆生我得阿耨多羅三藐三菩提故毗舍
佞性示下方者爲欲破魔兵衆令其退散故毗舍佧行

上方者爲諸天人之所歸依故毗舍佞性菩薩生時果
於天人中最尊最上一切衆生無能及者故爾時世
尊而說偈言

世間之導首 無上大聖尊 生時現瑞相
衆生良福田 輪轉三界中 此爲最後生
於世間智慧 如來最第一 破魔兵衆已
應供大名聞 世間未曾有 天人所歸依
世尊初生時 三十二瑞應 微妙奇特相
悉皆一時現 菩薩從胎出 地六種震動
自然大光明 德照於十方 令衆生毛豎

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

各各相謂言 願速得成佛 當雨大法雨
 洗除煩惱垢 令我得解脫 是故我今者
 歸命無上尊

爾時世尊說此偈已告毗舍佉諸佛如來不可思議
 佛所說法不可思議諸善男子及善女人信佛所說
 亦不可思議所得果報亦不可思議譬如大雨潤澤
 一切人非人等皆得充足及諸草木亦得生長如來
 法雨亦復如是普潤一切無量衆生應得度者聞此
 法已皆得道果若於人天受果報者隨其所願皆悉
 得之是故汝今應當專心受持此法於未來世令諸

四輩皆得修行說是法時六萬天人得法眼淨餘諸
 天龍阿脩羅乾闥婆迦樓羅緊那羅摩睺羅伽人非
 人等皆悉奉行毗舍佉母得法眼淨所將眷屬千五
 百人於佛法僧得堅固信無有退轉皆大歡喜作禮
 而去

優婆夷淨行法門經卷下

音釋

覩

覩其俱切覩毹毛席也

徒協切細

捲

達員

也

覩力朱切覩毬毛布也

毛布也

捲切

糾

古暗切青而含赤色也

代

渠員

也

覩胡感黑痕也

代

渠員

也

覩黑痕也

代

渠員

也

覩烏交切與同

膜慕各切

膜脣膜也

也

覩蘇肝切與

繖

蘇肝

也

覩渠力朱切覩毬毛布也

毛布也

捲切

也

覩渠力朱切覩毬毛布也

毛布也

傘蠕而充卯
同蠕蟲動貌

雨潤齋刑部陝西司郎中

行法門經下卷

長洲徐善書寫

諸法最上王經

隋天竺三藏法師闍那崛多等譯

復次說此法時婆伽婆遊於王舍竹林迦蘭陀精舍
與大比丘衆一千二百五十人俱舊結髮優樓頻螺
迦葉爲首悉阿羅漢諸漏已盡應作者作所作已辦
棄捨重擔得到自利盡諸有結正智心好解脫皆心
自在到第一岸惟除一人謂命者阿難陀時婆伽婆
於十五日當作布薩露地而坐諸比丘僧圍繞恭敬
面皆向佛爾時有一比丘出家未久彼日受具足戒
來詣佛所到已頂禮佛足右繞三匝合掌白言世尊

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

我近出家今日受戒願爲我說云何受聚落食而名善食云何食已爲淨福田當得第一利益時彼比丘向佛說此伽他

我出家未久 今日受具戒 世尊爲我說

云何得淨施 我爲此故行 捨家不畜家

如是淨於施 彼義復爲說

如是語已佛言比丘善聽善作正念當爲汝說如比丘不虛受聚落食食已淨施是故善家子善家女捨家不畜於家行無上行當得究竟勝處如是比丘入僧中見僧業合僧利具此三法不虛受聚落食食已

淨施當得第一利益爾時世尊說此伽他

衆生若入僧 亦念於僧業 復合於僧利

彼能淨施福

時彼比丘白言世尊我今聞佛如是略教不解其義世尊云何比丘入僧中見僧業合僧利時彼比丘說此伽他

云何入於僧 而見於僧業 爲我說僧利
聞已我等知

如是語已佛言比丘善作心聽我今爲汝說僧及以僧業僧利比丘白言甚善世尊如是樂聞佛言比丘

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

云何名僧僧者四雙八輩富伽羅是名爲僧當善與食向其合掌是能淨施名爲福田諸天及人皆須供養爾時世尊說此伽他

我今說四雙 八輩富伽羅 是等名爲僧無上勝福田

比丘云何名爲僧業其僧業者四念處四正斷四神足五根五力七覺分八聖道是名僧業爾時世尊說此伽他

常勤最勝道 所謂八聖分 如彼所說僧彼業正如是

比丘云何名爲僧利其僧利者四沙門果何者爲四一者須嚧多阿般那果二者塞訖利陀伽彌果三者阿那伽彌果四者阿羅漢果是名僧大利爾時世尊說此伽他

大身有大利 彼僧富伽羅 如沙門四果能淨於施福

如是語已比丘白言世尊如世尊所說入僧中見僧業合僧利彼人善受聚落施食食已得淨施福到第一利世尊若復有人發於大乘爲知徧智捨家出家彼富伽羅僧中見不見僧業不合僧利不如是語已

佛言甚善比丘汝於如來應正徧知乃能念問是義
比丘汝大吉祥辯才勝妙善問是義比丘汝善思念
故能問如來是義比丘此皆佛威神力令汝今生如
是辯才欲得問此句義亦是汝宿願力能如是問是
故比丘善聽善念我爲汝說比丘白言甚善世尊我
今樂聞佛言比丘汝意所云彼富伽羅發於大乘爲
知徧智捨家出家彼富伽羅僧中見不見僧業不見
僧利不比丘彼富伽羅僧中不見僧業僧利皆亦不
見爾時世尊說此伽他

彼僧中不見 僧業亦不見 僧利亦不見

彼發菩提故

如是語已比丘白言世尊何因何緣聽彼富伽羅等
出家聽彼受聚落食而彼富伽羅僧中不見僧業僧
利皆亦不見世尊云何彼類富伽羅能淨施福而彼
富伽羅僧中不見僧業僧利皆亦不見如是語已佛
言比丘汝何須以此問而問彼比丘復言世尊彼富
伽羅云何能淨施福佛復告言汝何須以此問而問
彼比丘復言世尊彼富伽羅僧中不見僧業僧利皆
亦不見云何能淨施福爾時世尊見彼比丘三度請
已卽現微笑便作神通依如是類神通作已眉間毫

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

相出大光明其光復有無量百千種種異色此光威力徧照三千大千世界乃至諸大海內所有衆生彼皆未曾見聞是光今見光故心驚毛豎其非想非非想天彼等亦悉於一念時以佛力故知此光明佛眉間出見此光已心驚毛豎時三千大千世界四天王天乃至色界無色界天悉詣王舍大城竹林迦蘭陀精舍到已頂禮佛足右繞無量百千匝已在於佛前正念合掌恭敬曲躬不動不倚目未曾瞬生尊重心愛心喜心躍心堪心輭心淨心無障礙心樂欲聽法却住一面時此三千大千世界大神力諸天等諸龍

夜叉囉刹乾闥婆阿脩羅伽留荼緊那羅摩睺羅伽人非人等諸天主龍王夜叉王乾闥婆王阿脩羅王伽留荼王緊那羅王摩睺羅伽主人非人王等從於地下乃至有頂無有一豎杖處而不充滿彼時三千大千世界所有比丘比丘尼優婆塞迦優婆斯迦及諸世間依地行住雜類衆生以佛神力悉見佛光心驚毛豎譬如大力丈夫屈伸臂頃如是彼皆以佛威力於一念時向王舍城竹林迦蘭陀精舍到已頂禮佛足右繞三匝在於佛前正念合掌恭敬曲躬生尊重心愛心喜心躍心堪心輭心淨心無障礙心目未

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

會瞬瞻仰世尊其身不動於一面住時此三千大千世界若城內外及障隔間有大小河諸水生處彼皆依法順流少聲又復所有諸障隔內及虛空裏衆鳥等聲以佛神力各相應和如是象馬牛羊乃至山牛水牛等以佛神力皆安本處及諸大海衆生亦以佛力各住自分不相觸惱時此世界所有諸天以佛神力皆默然住及天音樂亦悉無聲時此世界諸惡衆生嚴熾毒心樂造衆惡乃至作諸逆等皆以佛力於一念時各各相愛猶如親友生利益心樂心轉能作業心喜心淨心無障礙心笑顏先語眉不顰盛語

則柔滑不急不麤其所發言令人愛樂老少中年各得其所當於爾時此大千界乃至無有聲歎等聲以佛神力衆生默住所有風氣溫柔且香衆生樂觀莫不歡喜亦不吹動諸樹枝葉及藥草等皆以佛力有如是事如第八人入滅盡定無出入息此諸大衆默然而住亦復如是以彼比丘宿願功德勝住持力故及佛功德勝住持力故爾時命者奢利弗知皆默然承佛神力從座而起一肩郁多羅僧伽作已右膝著地合掌曲躬一心瞻仰爲令大衆安隱利益心淨無障欲聞法門如彼比丘所問佛義及佛放光諸天人

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

奢利是義故 出眉間毫光 此光大威力
徧照於世界 奢利是義故 諸天衆悉集
合於十指掌 奢利是義故
龍夜叉來集 欲吼雲雷聲 至於如來所
奢利是義故 不思億衆集 皆得阿羅漢
漏盡到涅槃 奢利是義故 不思億衆集
悉當發是意 爲獨覺因緣 奢利是義故
不思億衆集 鐙甲當自嚴 爲於佛智故
奢利是義故 不思億衆集 於大乘不退
得最勝菩提 聞此句義已 因是故佛記

剛志悔惡行 億衆得如是 聞此句義已
於後末世時 千億數衆生 住於最勝道
除彼菩薩已 於後末世時 若能持此經
終無有是處 除彼菩薩已 於後末世時
若聞此經者 無智者不信 彼衆生少信
不能發菩提 若聞此經時 數數生疑惑
若不信此經 彌住於生死 泥犁爲行處
畜生是園林 彼於天人道 皆破無有分
不破此經者 於後末世時 彼諸天人等
皆得阿羅漢 若在彼前說 彼亦生疑心

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

若得獨覺道 滿於十方界 若在彼前說

彼心不生疑 無有不修善 得聞如是說

若建成就義 乃能聽此道 爲於菩薩故

我說此經法 於中修行已 當成二足尊

爾時世尊說此伽他已告奢利弗言彼新比丘出家未久今日受戒彼來問我發大乘人云何受聚落食而名善食食已能淨施福奢利弗以彼比丘問是義故無量阿僧祇百千俱致那由多衆生來集皆欲聞我解說是義奢利弗我今若欲解說顯示分別是義令淺易解彼無量衆得大利益如是語已奢利弗白

言世尊今正是時願爲解說佛言奢利弗我今若說此句義時或有衆生其心迷悶何以故此大施主不可思施戒忍精進定智大師子吼皆不可思此大衆生不可思法其諸凡夫及二乘等不能分別信入解知惟除不退菩薩摩訶薩等奢利弗我見此故彼雖三請猶默不說奢利弗復言婆伽婆如來應正徧知願爲解說乃至令多衆生當得正信佛言奢利弗我若解說此句義時衆生迷悶何以故施等諸法皆不可思乃至我見此故彼雖三請猶默不說奢利弗復言世尊爲多衆生利益安樂慈憐彼等願爲說之於

未來世有菩薩摩訶薩發大乘者聞此句義生愛重心當得正信修種種業以大鎧甲而自莊嚴爾時世尊見奢利弗三度請已告奢利弗言菩薩摩訶薩不須淨施何以故菩薩摩訶薩從初發心乃至成道畢竟常淨施故何以故菩薩摩訶薩於諸衆生是無上福田故若諸衆生以諸樂具供養菩薩猶不能報菩薩之恩爾時世尊說此伽他

若有發心者 爲佛智因緣 從初發心來
彼卽淨於施 若有發心者 爲佛道因緣
彼不須淨施 本來淨施訖 諸天及世人

常須精勤意 承事彼健者 大智慧菩薩
彼諸天人道 皆由菩薩成 智者一發心
已能淨諸施 不依欲色界 及於無色界
以無依倚心 諸施皆已淨

爾時世尊說此伽他已告奢利弗言奢利弗爲汝說喻令此義滿何以故我說喻者令諸智人正知義故奢利弗假使菩薩受諸衆生所奉衣服大如闍浮洲等從初發心日日受用如是衣服皆能淨施何以故菩薩於諸衆生是無上福田故奢利弗假使菩薩受諸衆生所奉飲食大如須迷留山等從初發心日日

78901234567890201234567893012345678930

受用如是飲食皆能淨施何以故菩薩於諸衆生是無上福田故奢利弗假使菩薩受諸衆生所奉牀座廣四天下高須迷留山亦如彼山七寶莊飾敷以天衣其衣細軟從初發心日日受用如是妙座皆能淨施何以故菩薩於諸衆生是無上福田故奢利弗若有如是重閣寶殿及以無量樓閣窟牖蓋鈴網雜色莊嚴七寶垣牆七重圍繞譬如他化自在天宮亦有無量諸劫波樹諸音樂樹香華果樹瓔珞樹等處處安置無量香瓶滿諸華池具八分水美而清冷無穢無泥諸華覆上金沙布底水色澈淨猶如鞞瑠璃

夜七寶欄楯七重周匝四方正齊有四階道諸華池中皆有寶殿復有寶池七行圍繞懸諸繒綵及安寶瓶雜色莊嚴甚可愛樂其中牀座七寶所成無量百千那由多數東西南北隨方而敷燒香散華覆以寶帳奢利弗假有斯等寶殿寶牀衆生悉以奉上菩薩菩薩取之從初發心日日受用皆能淨施何以故菩薩於諸衆生是無上福田故奢利弗汝今當知世及出世所有善法悉由菩薩而得出生所謂刹帝利大家婆羅門大家長者大家若王若轉輪王若四天王天三十三天須夜摩天刪兜率多天善化天他化自

在天及色界無色界天若住初果乃至四果若趣獨覺及得獨覺若得無上正徧知道轉正法輪若人聞彼所說正法如聞能行行已卽住聲聞四果乃至或發求獨覺意或發無上正徧知心若聞說施卽修施業修已得生刹帝利婆羅門長者等家乃至或得轉輪王位若聞說戒卽修戒業修已得生四天王天乃至他化自在天若聞演說四無量意如聞能行行已得生色無色界奢利弗是故當知此等悉由菩薩出生奢利弗譬如阿那婆怛數多龍王以其威力出四大河何者爲四所謂恒伽辛豆博叉私多如是四河

一一皆有五百小河以爲眷屬恒伽大河及其眷屬流入東海令彼海滿辛豆大河及其眷屬流入南海令彼海滿博叉大河及其眷屬流入西海令彼海滿私多大河及其眷屬流入北海令彼海滿於意云何此四大河及其眷屬次第入海其所行處四方衆生有利益不奢利弗言世尊於諸衆生作無邊益若人非人悉蒙大潤所有近河稻麻豆麥種種田苗皆得其潤佛言奢利弗於意云何彼四大海誰能滿之奢利弗言世尊此四大河令彼海滿佛言奢利弗於意云何彼四大河於諸衆生有利益不奢利弗言與諸

水陸所有衆生作大利益所謂龜魚等類及捕魚人復有夜叉羅刹阿脩羅畢奢遮龍蛇摩睺羅伽等并餘無量雜類衆生若是衆生宮舍住處種種寶滿所謂珊瑚寶瑠璃夜帝釋青寶碑磲摩尼珠貝等珍并餘無邊諸寶住處皆出大海與諸雜類而作利益人得受用其益甚多佛言奢利弗於意云何四大海水從何而出奢利弗言世尊從阿那婆怛跋多池出佛言奢利弗其阿那婆怛跋多龍王免於三怖何者爲三所謂金翅鳥怖熱沙燒怖行姪欲時作蛇形怖如是三怖悉已免之奢利弗其阿那婆怛跋多龍王宮

舍惟是神通禪定者居若有入者若有見者皆不被燒奢利弗言世尊彼大龍宮具足希有奇特勝法所謂諸龍怖者彼大龍王悉無是事彼處所生諸衆生等及入彼者亦無是怖以是神通有威德者所居處故世尊阿那婆怛跋多大龍王乃有無量功德具足出四大河趣四方海利益衆生當得安樂佛言如是如是奢利弗當知菩薩摩訶薩亦復如是奢利弗如阿那婆怛跋多大龍王得免三怖菩薩摩訶薩亦免三怖何者爲三所謂泥犁耶怖畜生怖閻摩世怖奢利弗如阿那婆怛跋多大池出四大河四方流注如

是菩薩以四攝事攝取衆生何者爲四所謂布施愛語利行同事奢利弗如彼大海從阿那婆怛跋多大池所出如是諸佛徧智從菩薩生奢利弗如彼大海無量百千那由多俱致諸衆生等之所依住具足安樂當知如是三有諸所生類皆依諸佛徧智而住所謂欲有色有及無色有奢利弗以是義故當知所有三千大千世界諸安樂具悉由菩薩而得出生何以故菩薩發心便有修行既修行已便有受記既受記已便得阿耨多羅三藐三菩提得菩提已便轉法輪如是法輪於先未轉若沙門若婆羅門若天若魔若

梵及以餘衆無能轉者彼爲衆生轉法輪時其所說法初中後善義味具足淳一清淨說於梵行令四衆知何者爲四所謂比丘比丘尼優婆塞迦優婆斯迦以是因緣無量無數諸衆生等受天人樂無有斷時永捐衆苦不離諸樂奢利弗於意云何如是樂法從何處生奢利弗言世尊從菩薩生奢利弗於意云何汝見三有所出諸法從誰而生奢利弗言世尊從菩薩生奢利弗於意云何三有所出諸供養具以此供具供養菩薩能報菩薩於先所作利益恩不奢利弗言不也世尊何以故從彼生故世尊如有貧人貧無

財物更有富人發大慈悲乃以百千無量無數諸財寶等與彼貧人復有第二第三貧人亦如是與乃至以諸財寶與彼百千無量無數諸衆生等皆使富足若有驚怖鬪諍繫縛等苦悉令免脫復免所有惡道衆苦令具無量諸天人樂其衆生中若有一人以水精珠破爲百分於百分中取其一分將至彼先得恩人所語彼人言汝先與我作利益事我今故來報汝此事世尊彼於衆生作大利益一人但以一分水精與彼丈夫是爲報不佛言不也奢利弗言如是婆伽婆如是修伽多當知彼菩薩者如彼丈夫於諸衆生

作大利益一人但以一分水精不能報恩如是世尊發大乘人衆生若以隨意樂具乃至命盡常逐供養雖作是事不能報恩佛言甚善甚善奢利弗善順佛教如佛弟子所爲作事奢利弗若諸衆生以己皮肉筋血骨髓或捨其身乃至百千欲報菩薩所爲利益於百分中不報一分乃至俱致百千分阿僧祇分等數譬喻亦不能報何以故奢利弗若發阿耨多羅三藐三菩提心者於諸衆生作大利益奢利弗譬如此閻浮洲有栴檀那樹若芽生時童男童女所有患者與此樹芽悉差其患若葉出時丈夫婦人童男童女

所有患者與此樹葉悉差其患若樹大時入其陰者衆生諸患亦皆除愈於後成果其光徧照十方世界若有衆生念此光者彼亦當得無老病死若斫此樹取其木者不畏貧窮彼木破已猶有此益若取其木將作宅舍入其內者諸怖悉除亦皆無有寒熱飢渴如是舍利弗其栴檀那樹芽葉華果長大時乃至斫取或積爲舍無不皆與諸衆生等作大利益如是奢利弗當知菩薩摩訶薩發阿耨多羅三藐三菩提心時以四攝法攝取衆生何者爲四所謂布施愛語利行同事令彼衆生悉得安樂令彼樂已便能順入三

解脫門何者爲三所謂空無相無願彼旣增長便得具足無生法忍乃至究竟得徧智果旣得果已當於無餘大涅槃界而取滅度於滅度時自碎舍利如芥子許亦作住持奢利弗如栴檀那樹斫取其木諸方將去入彼木舍諸欲熱惱後不復發如來舍利亦復如是奢利弗以是義故當知若善家子善家女等發阿耨多羅三藐三菩提心者乃得報彼先所作恩何以故奢利弗若發阿耨多羅三藐三菩提心者彼卽不斷如來教行不斷聲聞獨覺等地能斷衆生所有諸苦及人天苦奢利弗於意云何更有餘人共彼人

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

相似不奢利弗言不也世尊彼人若人若天若魔若梵若沙門若婆羅門若復餘衆以諸樂具與彼菩薩無能報彼先所作恩奢利弗若以一劫若減一劫若百劫若干劫若百千劫若百千俱致那由多劫與諸樂具能得報不奢利弗言不也世尊佛言是故奢利弗家子善家女等欲得報彼所作恩者當發阿耨多羅三藐三菩提心然可共彼相似一等報其先恩奢利弗言如是世尊當知如彼所與還須似彼所與而報若於世漏無等人所欲報恩者還發無上無與等心於未來佛欲作無上報者彼善家子善家女

等亦須發阿耨多羅三藐三菩提心如是乃得名爲報恩奢利弗有三種富伽羅以無上供供養如來何者爲二有富伽羅到諸漏盡有富伽羅發阿耨多羅三藐三菩提心爾時世尊說伽他言

二種富伽羅 彼能供養佛 漏盡發覺心
是名爲二種 三有諸世間 亦無有財施
欲與彼大士 而能報其恩 諸色香味等
所愛及稱心 而施於彼人 亦不名供養
若發菩提心 爲於菩提果 此乃無所求
而名上供養 諸天及世人 及以諸魔世

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

所須者皆與 亦不名報恩 彼無所乏少
彼亦不生欲 故於大士所 不名爲供養
若有人欲得 供養於佛者 彼須發是欲
當求於菩提 若欲作功德 數數無有量
彼須發菩提 當疾作尊重 若欲求諸禪
欲修無量念 彼須生精進 為佛智因緣
若欲得諸樂 破壞於諸苦 彼須發是欲
爲於佛菩提 若欲見無量 阿僧祇諸佛
作尊重心已 喜樂發菩提 若人欲詣彼
無邊諸世界 須發大精進 喜樂發菩提

若人心喜樂 過去佛菩提 須發菩提心
當修菩薩行 若人疾欲見 未來諸佛者
須發菩提心 當修菩薩行 若人欲得見
現在諸佛者 彼須常喜樂 為修於菩提
若人起慈意 欲徧諸衆生 須生是欲心
爲佛菩提故 若欲於衆生 令脫諸苦者
數數當須學 彼無上智慧 若欲與衆生
無量無邊樂 彼須發是欲 求勝佛菩提
若人欲捨彼 所有諸惡趣 彼須發是欲
爲求於菩提 彼功德無邊 不能具盡說

若發如是意 當覺上菩提

佛說伽他已奢利弗白言世尊說是法門幾許衆生
發阿耨多羅三藐三菩提心佛言奢利弗汝今何須
問如是義何以故奢利弗如來大智若說是者無邊
衆生心皆迷惑何以故奢利弗如來所有戒定智通
悉無有量奢利弗於意云何有人能知虛空邊不奢
利弗言不也世尊何以故虛空邊際過去世中無有
知者未來現在亦無人知佛言如是奢利弗如來大
智諸有衆生聲聞獨覺去來現在悉無知者何以故
奢利弗此是佛智非諸聲聞獨覺地境奢利弗白言

世尊未曾有也彼諸衆生發阿耨多羅三藐三菩提
心者當得如是善決了智佛言奢利弗如是如是如
汝所言彼諸衆生菩薩摩訶薩當得如是善決了智
奢利弗白言世尊彼菩薩摩訶薩云何當得善決了智
智佛言奢利弗於意云何此閻浮洲所有衆生若陸
若水若空若地漸次修行悉得人身若復有人教持
五戒或住十善奢利弗是善家子善家女以此因緣
功德多不奢利弗言甚多婆伽婆甚多修伽多乃至
不可爲喻佛言奢利弗我今更說令汝樂聞其閻浮
洲所有衆生悉教五戒具十善道其人於此所得功

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

德復有一人唯教一人住信行地此善家子善家女
功德多彼奢利弗於意云何若有教一閻浮洲中所
有衆生住信行地功德多不奢利弗言甚多婆伽婆
甚多修伽多彼人功德不可爲喻無量無邊多於前
者又奢利弗若有善家子善家女唯教一人住法行
地功德多彼教諸衆生住法行地若教一人住八人
地功德多彼教諸衆生住八人地若教一人住於初
果功德多彼教閻浮洲所有衆生住於初果若教一
人住第二果功德多彼教閻浮洲所有衆生住第二
果若教一人住第三果功德多彼教閻浮洲所有衆

生住第三果若教一人住第四果功德多彼教閻浮
洲所有衆生住第四果若教一人住獨覺道功德多
彼教閻浮洲所有衆生住獨覺道若教一人住阿耨
多羅三藐三菩提心功德多彼教閻浮洲所有衆生
住阿耨多羅三藐三菩提心若教一人住不退法功
德多彼教閻浮洲所有衆生住不退法若教一人疾
得徧智功德多彼教閻浮洲所有衆生疾得徧智若
復有人於此法門生菩薩智破魔羅業捨五聚不共
界離諸入壞煩惱攝助白法滅助黑法以此諸法最
上王經爲他廣說所得功德多彼無量奢利弗置閻

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

浮洲乃至四洲如是若干世界若二千世界若三千大千世界乃至東方恒伽河沙數等世界衆生若有色若無色若有想若無想若非有想非無想若水若陸卵生胎生濕生化生如是等類漸次修行悉得人身乃至十方世界衆生亦漸次行悉得人身若人盡教住於五戒具十善道奢利弗於意云何彼人所得功德多不奢利弗言甚多婆伽婆甚多修伽多無量無邊不可爲喻佛言奢利弗若有善家子善家女於此諸法最上王經聞而不謗若更增聽若受若持若讀若誦若爲他說以先功德於百分中不及一分子

分百千分俱致分百千那由多俱致分乃至等數譬喻所不能及又奢利弗若教十方世界諸衆生等悉住信行法行八人四果獨覺等地乃至發心住不退法無生法忍疾得徧智若有善家子善家女於此諸法最上王經受持讀誦爲他廣說此功德聚於前功德爲最勝爲最上爲最多爲最妙爲最微妙爲無比爲無上爲無上上爲無相似於無似中得無似福奢利弗以是義故應當知彼衆生有是善決了智發阿耨多羅三藐三菩提心聞此法門生信心者舍利弗如是衆生當云不退轉當云解脫當云度當云寂當

云大寂當云澡浴當云調伏當云無上當云無上上
當云到涅槃當云已滅度當云能說法當云能說義
當云說實當云說真當云如語而作當云捨重擔當
云離欲當云離瞋當云離癡當云無垢當云洗已清
淨當云到彼岸當云聞者當云吐欲當云吐瞋當云
吐癡當云盪諸惡當云佛子當云福田當云猛健當
云健丈夫當云勝色分當云降伏他軍當云師子當
云丈夫當云大丈夫當云勝丈夫當云無畏丈夫當
云有志丈夫當云大有志丈夫當云調順丈夫當云
丈夫牛王當云超越丈夫當云能降健丈夫當云人

師子當云人牛當云龍當云天當云天中天當云婆
羅門當云離惡當云無礙當云無縛當云無慳當云
無毒當云不愚當云不共當云不離當云不雜言當
云正念言當云無上言當云無上上言當云最勝言
當云不染言當云不著言當云不縛言當云決了言
當云所言皆實當云所言皆真當云具諸功德當云
應作者作當云作者已辨當云諸作者達當云具足
慚愧當云多作當云多作利益當云慈當云具諸功
德法當云棄諸作功德當云諸事具足當云不染當
云普不染當云不怯當云不怖當云不驚當云不恐

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

當云不弱當云不馳散當云無量無邊功德法行具足當云山當云須迷留山當云迷留山當云輪山當云大輪山當云不可動當云施者當云施主當云所有皆捨當云善施當云和顏悅色當云具施當云持戒當云忍當云精進當云定當云智當云修神通當云神通已達當云到諸處當云大勢至當云力至當云到安隱處當云已度彼岸當云學諸佛當云不斷佛行當云於諸佛法悉得願滿當云破魔羅怨當云摧諸毒刺當云令魔羅力弱當云散魔羅軍衆當云令魔羅黨壞當云坐佛道場當云已却毒刺當云除

魔羅敵當云隨順覺當云令順流者逆流當云岸當云能度當云已度當云自得脫教當云破暗當云月當云日當云無邊光當云無礙光當云不可思光當云難稱光當云不可量光當云至諸處光當云普光當云不著欲界當云不著色界當云不著無色界當云泥犁耶解脫當云畜生解脫當云閻魔世解脫當云令泥犁耶清涼當云令畜生清涼當云令閻魔世清涼當云能與所須當云棄捨諸衰當云減諸苦當云示諸樂當云轉輪王當云世間父當云出世間當云世間解脫當云免世間當云示伏藏當云建立菩

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

薩當云發起菩薩當云開伏藏當云示昔諸佛祕藏
當云不可思處能思當云無邊無際功德法具足爾
時世尊以無數劫淨心莊嚴所出言音具足功德所
謂最上者示教他者順義者甚深者不可伏者微妙
者可聞者喜者清淨者悅耳者向心者可愛者滿足
者多人喜愛者滑澤者不澀者善度前後際者愛如
己子者善出者善合者可入者文字相續決了者善
斷諸疑者淳直行者膏潤者似梵天音者雷聲妙者
真善決了者似迦陵頻伽鳥聲者淨直行者能淨直
友者斷無量疑惑者無依倚者能安慰他者可念者

能薄諸使者諸入圓者斷諸諍論者前際已來不詐
善者非句真出者多種百千相應者智慧讚歎令世
間愛及安樂者與第一義門者無過失者共相應者
與善時相應者能鳴者善分別字句者決了諸淨句
者減多欲刺者減多瞋刺者減多癡刺者能示多義
者證無邊義者離六趣者離諸道者離諸道言論者
說天句者說龍句者說夜叉句者說捷闍婆句者說
阿脩羅句者說伽留茶句者說緊那羅句者說摩睺
羅伽句者說音慈忍令喜信教者不諂者無處不行
者無處著者無顛倒者自重不挑者常實法定者無

789101234567892012345678930123456789

曲者無偏者離暗領者成利善相應者教授具足者最勝信者能破流轉暗者離惡違失句者能出分別諸句者除諸外論句者能決疑惑者滅諸苦法沒處者最上如如淨自然行者與諸善法相應令喜者說諸善法與寂相應者離諸垢者純淨第一義相應者斷多疑相應者淨如心淨相應者所言不與非義相應者諸言辯才能說相應者隨其所欲而爲廣引者以諸世語令衆生喜者多人愛敬者相應者解脫者善解脫者最勝者聲王者說安隱聲善相應者攝諸白法相應者善究竟者無邊光者作無邊光者能釋

所問無邊法智者善能度者說諸樂法相應者說畢竟字句善究竟者說義字句相應者說字句無畢相應者說知足字句相應者說示樂具字句相應者示無量善根者說無量善根相應者以佛莊嚴而莊嚴相應者說無邊句相應者說不去不來字句端正者說無礙字句善究竟者說諸天阿脩羅言教不絕相應者說字句相應不可缺少者說字句相應不雜亂者說字句相應不緩者示明者作明者示明及作明者示超越者過超越者示超越及過超越者說善持衣鉢行者於阿遮犁夜尊重勤攝相應者於憂波弟耶

6 7 8 9 10 1 2 3 4 5 6 7 8 9 10 1 2 3 4 5

夜尊重勤攝相應者常淨法智淨已復能淨者勤攝
第一字句者善說陀羅尼修多羅王者善說三輪修
多羅菩薩藏般若波羅蜜出生者善說流轉摩尼藏
華者善說八萬四千法聚復示現百千者發起菩薩
令發菩提心者如願得三世諸佛法不著者已脫畢
竟脫者聲至梵天者梵音者鳴音者離欲聲者離瞋
者離癡者諸佛隨喜者諸佛歎可者如是等類所出
言音世尊持三十二相法王輪如來具足八分最爲
第一無量千種而以讚歎當於爾時說此伽他
若發菩提心 此人決定到 不須生疑惑

我不得如來 此人所有福 不可譬喻比
此人所有福 得出生菩提 無量無有邊
所有衆生界 此人福勝彼 如我前所說
此人所得福 於彼最勝上 發於菩提心
無有福勝此 餘經決定說 不止於此經
從此經學者 是名爲福利 若聞此經者
佛子隨順教 福田及調伏 我說是寂靜
若聞此經者 是天龍師子 健人無恐怖
名解脫調柔 信向是經時 大經無有上
天中天上天 衆生中無上 何況得聞之

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

能說及尊重 彼所有辯才 不可得窮極
得門是經者 如是彼辯才 亦如於虛空。
無有得其盡 若持此經者 具忍無有瞋
戒行無怯弱 大智慧明眼 若信此經者
是智彼邊得 愛重於教師 亦如愛父母
能持此經者 菩薩大智慧 不倚於欲界
色界及無色 能持此經者 菩薩摩訶薩
疾得趣向彼 無上菩提場 能持此經者
菩薩大智慧 已怖波單衆 證無上菩提
能持此經者 菩薩大智慧 當轉於法輪

世所不能轉 能持此經者 菩薩大智慧
世尊與其記 當見如三佛 能持此經者
菩薩大智慧 當云已滅度 無餘如諸佛
佛說伽他已奢利弗白言希有婆伽婆如來爲諸菩
薩略說教法所謂菩薩摩訶薩阿僧祇劫修菩薩行
而未覺無上正徧知道亦未得無上正徧知智世尊
於此經中說無有上彼諸衆生極得善利現於佛前
得聞說此最上經名所謂諸法上王法門甚善世尊
如此法門今更說之何以故如我解佛所說義意諸
過去佛已滅度者爲諸衆生所說正法以此爲上所

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

謂諸法上王法門諸未來佛亦以此經爲說法上所謂諸法上王法門我亦於世尊所聞說無量法門於義文字決定得解如我曾聞無勝此者甚善婆伽婆數數爲我廣說此勝法門佛言奢利弗隨彼時節隨彼衆生心所信解隨彼衆生心所思惟而攝受之奢利弗此是佛智非諸聲聞獨覺地境說此法門時八萬四千人發阿耨多羅三藐三菩提心六萬衆生發菩提心七十俱致欲行天未曾發阿耨多羅三藐三菩提心者今悉發心三十俱致衆生得無生法忍無量地居諸天龍等未曾發菩提心者今悉發心奢利

弗以是義故今更廣說此勝法門復於此時有無量千衆生比丘比丘尼優婆塞迦優婆斯迦向佛合掌瞻仰尊顏默然而住爾時世尊卽便微笑諸佛笑時法從面門出雜色光無量百千種色所謂青黃赤白紫色玻瓈色等普照三千大千世界靡不周徧蔽諸日月乃至梵世還來到此繞佛三匝從佛頂入時奢利弗見佛神通卽從座起一肩郁多羅僧伽作已右膝著地合掌白言大德世尊有何因緣而現此笑諸佛非無因緣而笑佛言奢利弗汝見比丘比丘尼優婆塞迦優婆斯迦向我合掌目未曾瞬不奢利弗言

如是婆伽婆如是修伽多佛言奢利弗彼四衆者悉
發大乘心欲聞菩薩行奢利弗於中如來心行智慧
若如來過去不可得未來不可得現在不可得是名
菩薩行奢利弗若不得菩提若不得心是名菩薩行
奢利弗不得聚不著界不取入是名菩薩行當隨順
行說此菩薩行時此三千大千世界六種震動爾時
魔羅波卑惶怖倒地及魔羅衆天等亦皆倒地以是
因緣而說伽他言

破我及軍衆 走避不能脫 如今最勝上
世依之所言 云何魔煩惱 諸力皆已失

今到無力處 聞此空法故 媚慾迷財毛
聞此無作法 無將去無行 何處有死者
爾時魔羅天子等從倒處起而作是言甚善婆伽婆
甚善大龍甚善大慈作悲益心於諸衆生今日世尊
令我甦息世尊大悲勿令我等非時橫死爾時世尊
說伽他言

汝魔著大鎧 如來所說是 信我者甚少
住此富伽羅

爾時魔羅波卑得如來慰喻已歡喜踊躍還得本心
身及眷屬皆隱不現

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

諸法最上王經

音釋

瞬 目動也。切。顰蹙 順聲。毗真。切。蹙子。聲欸 苦蓋切。聲欸。六切。顰蹙。愁貌。

金 可亥切。榼 食尹切。徒朗切。榼檻也。盪 徒郎切。盪滌也。甦 桑姑切。甦而更生也。

欽差兩浙恤刑刑部陝西司郎中宣府撫貴創
諸法最上王經
太平釋道祥對長洲徐普書上元李再典刻
萬曆壬子歲秋八月徑山化城識

一一一
一
八